

遼史

卷七十八之三

第八

518

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JUL 30 1936

T2455.21



CM 0	1	2	3	4	5	6	7	8	9	10	11	12	13	14	15	16	17
Lab D50 2° 95/0/2	81/0/0	66/0/0	51/0/1	43/-14/21	55/-9/-25	71/-32/0	29/19/-54	55/-39/33	40/9/-43	52/48/17	31/21/-21	72/-23/57	50/-28/-29	73/19/68			
38/14/16	66/16/18	50/-5/-22	43/-14/21	55/-9/-25	71/-32/0	62/34/60	40/9/-43	52/48/17	31/21/-21	72/-23/57	50/-28/-29	73/19/68					

Harvard College Library Imaging Services <http://imaging.harvard.edu>

表第八

遼史七十

塔佛大學漢和
圖書館珍藏印

元開府儀同三司上柱國前中書右丞相監修國史
都總裁臣脫脫修

屬國表

周有天下不期而會者八百餘國遼居松漠最為疆盛天
命有歸建國改元號令法度皆遵漢制命將出師臣服諸
國人民皆入版籍貢賦悉輸內帑東西朔南何啻萬里視
古起百里國而致太平之業者亦幾矣故有遼之盛不可
不著作屬國表

紀年
正月
二月
三月
四月
五月
六月
七月
八月
九月
十月
十一月
十二月

神冊元年
太祖元年

御正
殿受
百僚
暨諸
國人
使朝

三年

勅海
高麗
回鶻
阻項
党項
冬遣
使來
貢樹

五年
天贊
二年
三年

波斯
國來
貢
西討
吐渾
党項
阻下

征党
貢

師次
骨里
國分
路擊
之舉
附國
歸

大食
遣兵
踰流
沙拔
貢
回鶻
浮圖
城盡
取西
鄙諸
來貢

回鶻
貢

三
嘉靖
八年
刊

卷
三

四年

天顯元年

大元帥
骨略
地党
項

回鶻
新羅
吐蕃
党項
沙陀
從征
有功

攻小
番下
之
回鶻
烏母
主可
汗遣
使貢
謝

攻阻部

日本
新羅
國來
貢
國來
貢

二年
太宗
不改
元年
三年

嘗之
滅
鐵驪
鞞鞞
來貢
改勃
海國
爲東
丹國
忽汗
城爲
天福
城

達盧
古來

突厥
來貢

女直
國遣
使來
貢

嘉靖八年

卷八

卷八

六年

七年

八年

西
邊
將
以
慕
化
轄
夏
斯
國
人
來

皇
太
吐
渾
弟
李
阻
卜
胡
率
來
貢
兵
伐
党
項

貢

女
直
來
貢

党
項
來
貢

阻
卜
鐵
驢
來
貢
阻
卜
來
貢
阿
薩
阻
卜
來
貢
蘭
回
來
貢
木
不
來
貢
鶻
來
貢

鐵
驢
來
貢

阻
卜
貢
海
東
青
鶻

阻
卜
來
貢
木
不
來
貢
姑
來
貢

九年

十年

十年

十年

党
項
貢
駝
鹿

女
直
來
貢

党
項
來
貢

吐
谷
渾
酋
長
率
衆
附

吐
渾
來
貢

吐
谷
渾
來
貢

吐
渾
來
貢

女
直
國
遣
使
來
貢
鶻
來
貢

鐵
驢
來
貢

皇清八年刊

系

日

嘉靖八年刊

五年

昇

貢

鐵驪
來貢

魯不
古伐
党項
回獻
俘

鐵驪
來貢

素撒
國人
阻貢
來貢
阻貢
物方

阻下
及債
烈國
來貢
明貢
來貢

党項
遣命
伐之

吐谷
渾隆
阻下
來貢
女直
國遣
貢使
來貢

二年

二年

元年
會同

女直
來朝

女直
國來
貢

鐵驪
來貢
女直
國遣
貢使
來貢

女直
國遣
貢使
來貢
吐谷
渾來
西南
邊大
詳穩
即律
魯不
古奏
党項
之捷

吐谷
渾來
貢

吐谷
渾鳥
孫鞞
鞞各
來貢

阻下
來貢
國來

阻下
來貢

鐵驪
燉煌
貢使
來貢

嘉靖八年刊

三年

二年

三年

二年

元曆

來音 女直

來音 鐵驪

來音 鐵驪

鹿進改幹
生花國朝

小有鼻國女
兒毛上貢直
貢渾吐吐
來谷蕃

貢國及回
來斯轄鶻

來音 鐵驪

四年

八年

七年

六年

九年

來音 女直 回鶻

口進吐
附生軍
來白吐
音可薄
來女
音直

來音 等國 要里 賃烈

物貢等要沒百渾吐來回
方國里里維來谷真鶻

來音 鐵驪

不請遣回
許婚使鶻

來音 鐵驪

來音 鐵驪

乾亨元年 十年

使來貢

使來貢

使來貢

使來貢

人請和 來貢 之職 以次 授之

來貢

光緒 降苗 可酬 買友 來賜 詔撫 論直 女貢 使來 貢

九年 八年 五年 三年 景宗 保寧

女直 國遣

項破 之獲 之數

漢遣 使來 告

女直 國二

女直 國侵 邊阿 薩蘭 回貢

之慶 視

回漢 以 遣宋 使人 來貢 遣使 告

回漢 遣使

女直 國侵 州貢

耶律 沙以 渾拔

吐谷 渾來 貢

斯國 遣使 來貢

進表

六

四年

聖宗
統和
元年

破破德使招南邊部十
韓阻之威韓討面西寇五

破破德
威項
党項
上伴
獲之
數

速撒

二年

四年

六年

七年

海等里
附族內

女直
國宰
相木
里補
來

阻
党項
遣使
來貢

殺其
酋長
持刺
干

閏月
党項
阿太保
阿刺
蕭回
來
烏來
貢

女直
宰木
速魯
來

面
阿思
于
于
師子
于
于

遣張
文寶

嘉靖八年刊

八年

九年

等國列三
來貢國來
党項貢
遣使吐蕃
來貢來貢

女直
國遣
使來
貢
朝海相國
來阿宰
刺越鶻蘭
遣使于達于阿薩

北直
國遣
使來
附請內
來貢

進內
冊書

女直
遣使
來貢
來貢

女直
國遣
使來
貢

女直
國遣
使來
貢

女直
國遣
使來
貢

女直
國遣
使來
貢

女直
國遣
使來
貢

女直
國遣
使來
貢

十年

十年
回鶻
來貢

兀惹鐵驢
來貢來貢

鐵驢
來貢

鐵驢
來貢

鐵驢
來貢

十一年

回鶻高麗
來貢遣使
高麗請所
來貢生

回鶻女直
遣使來貢

党項吐谷
來貢來貢

鐵驢
來貢

十三年

女直夏國
國遣使
來貢來貢

高麗
進

女直
國遣
使來
貢

回鶻
來貢
兀惹
歸效
鼻骨

阿薩
回鶻
遣使
來貢
高麗

鐵驢
遣使
來貢
鷹馬

宋國女直
由海人
道略
本國
及說
兀惹
叛遣
使來

嘉靖八年刊

十四年

回鶻遣使
韓德威奏
來貢
女直
國遣
使來
捷

鐵驪
回鶻
來貢
來貢

來貢

遣重
子來
人本
國語
阿薩
蘭回
鶻遣
使為
婚不
許

十五年

河西黨項
威奏
韓德
來貢
河西
黨項
乞內
附
兀惹
烏北

光項
酋長
來貢
禁吐
渾別
部鬻
馬於
宋

蕭撻
凜奏
計阻
捷

武周
來隆
女直
國遣
使來
貢

慶乞
歲時
免進
貢鷹
馬貂
皮以
其地
遠詔
生辰
正日
外並
免
女直
國遣
使來
貢

鐵驪
來貢

兀惹
烏昭
慶來
降釋

十七年

十八年

夏國
遣使
來貢
國遣
使來
貢

高麗六年刊

卷八

遼表

九

二十九年

二十九年

回鶻進梵僧名醫

西南面招討司奏討之捷

阻下之 阻首 鶻 弟 刺 不 率 部 來 附 鶻 無 所 繼 降 詔 誅 之

達廬西南骨部招討司奏討之捷

鼻骨德來貢

回鶻來貢

二十二年

二十二年

女直國宰相來貢

女直國大王子改遣其子燭耶刺改朝

鐵驪來貢

鐵驪遣使來貢

女直國來貢 惹奧 海米 里奧 越里 馬越

高麗遣使來本國地圖

党項阻來貢 阻長 鐵刺 里率 諸部 來降

阻來刺

渾之捷

二十一年

二十二年

女直國遣使來貢

里志五部來

振黨六直
項部國及
回鶻阿薩
來貢蘭回
清美各

阻卜黨項
首鐵來貢
刺里烏古
遣使來貢
賀與女直
宋和國遣

党項南京
來貢女直
阻卜國遣
刺里使獻
來朝所獲
里朝烏昭
婚許慶妻
之

二十八年

二十九年

西北路招討使蕭玉伐州鶻其郡州俘生詔士口城實
北招使圖奏甘回破屬肅盡其口修隗故以

詔西路
北招討

嘉靖八年刊

卷之三

三

三年

三年

阻卜酋長入朝封為王女直國及鐵驪各遣使來貢

沙州回鹘曹順遣使來貢賜衣幣

化哥等阻卜酋長入衆

開泰元年

女直國太保蒲撚等來朝

使駙馬都尉蕭圖安撫西安鄒部置阻卜部

鐵驪那沙等送兀惹百餘戶至賓州賜以綃賞

嘉靖八年刊

卷八

四

卷八

三

四年

于闐
國來
貢

五年

耶律
阻卜
叛命
使遣
國直
數獲
之

八年

鐵驪
來貢

高麗
東討
善寧
與蕭
世良

來降
魁可

首項
叛命
使遣
國直

九年

太平
元年

大食
國王
復遣
使請
婚以

舊歲
貢馬
貂青
賜使
遣使
州使
回使
燉煌
郡使
曹順
王使
來貢

沙州
回使
燉煌
郡使
曹順
王使
來貢

大食
國王
遣使
為其
子冊
哥請
婚及
象物
方象
曹順
王使
來貢

嘉靖八年刊

卷之三

五

六年

二年

王班君思女老公降
十郎胡里河封主之

詔党阻下
項別入寇
部場西北
西設路招
契丹討使

鐵驪遣使
進元人
惹一十
六戶
遣西路
北討
招惠
蕭兵
伐甘

蕭惠
攻不甘
州不
克師
遠自
是西

七年

節度蕭惠
使治破之

州回
鶻

詔蕭
惠再
討阻

阻諸部
皆叛
我軍
與戰
敗績
涅里
姑曷
不呂
皆安
於陣
貴賜
隱耶
律洪
古等
將兵
討之

嘉靖八年刊

卷之八

八年

党項寇邊破之

二年

興宗女直國詳穩臺押率所部來貢

六年

七年

高麗遣使來貢
夏國遣使來貢

阻外首領屯古來朝

九年

女直人侵邊

阻下酋長來貢

奉

士奉

夏國遣使獻所宋將口生

發黃龍路鐵軍拒之
回鶻遣使來貢

以吐渾及党項多馬于夏國詔築邊障以防

嘉靖八年刊

通志

二年

高麗夏國
國以上遣使
加進馬
尊號
遣使
來賀

阻下
大屯古弟尉葛來葛
王秃斯太撒里朝

阻下
來貢

夏人
侵掠
黨項
遣延
昌宮
使高
家奴
問之

三年

高麗
遣使
來貢

南院
羅漢
阻下
大王
奴奏
所發
烏八
耶律
部兵
遣其
高十
奏党
項等
不利
求援

百國
復遣
使來
詢

獲叛
命党
項偵
人射
鬼箭
元吳
親執
党項

十五年

四年

高麗
遣使
來貢

高麗
遣使
來貢

使者
來邑
政來
且乞
以兵
取戰
從之
阻下
大王
屯秃
古斯
率諸
酋長
來朝
夏國
遣使
來朝

三部
酋長
來降

阿薩
蘭面
遣使
來貢

嘉靖八年刊

卷之二

十年

七年

鐵不
得國
遣使
來貢
以本
部軍
助攻
夏國
不許

阻王
大屯
屯王
古所
來朝
進方
物

阻
馬
萬
二

鐵驪
仙門
來朝
以前
此未
嘗入
貢仍
加右
監門
衛大
將軍

女直
國遣
使來
貢阿
薩
蘭
公
以生
主
子
使
告

六年

五年

四年

三年

高昌
國遣
使來
貢

高麗
遣使
來貢

遠夷
投思
母部
遣使
來貢

阻
來貢
馬
玩
高麗
遣使
賀捷

阻
長
諸
得
刺弟
朝得
加太
之

阻
長
諸
只
刺葛
來

阻
長
諸
得
刺遣
使來
貢

阿薩
蘭
遣
使
名
馬

吐蕃
遣使
來貢

嘉靖八年刊

卷之二

十一

二十二年

阿薩
蘭回
鶻為
隣國
所侵
遣使
求援

二十三年

夏國
遣使
貢方物

高麗
遣使
來貢

吐蕃
遣使
來貢

阻卜
大元
乞斯
古諸
率馬
進部
駱馬

道宗
清寧
二年

咸雍
二年

阻卜
酋長
來貢
及方
來貢
面鶻
來貢

阻卜
酋長
來貢

文豹

四年

五年

阿薩
蘭回
鶻遣
使來

阻卜
酋長
來貢

吐蕃
遣使
來貢

阻卜
酋長
來貢

阻卜
酋長
來貢

阻卜
酋長
叛以
南京
留守
仁先
為西
北路
招討
使領
禁軍
討之

八年

五年

五年

年

阻
酋長
來朝
且貢
方物

西北
路招
討司
以所
降阻
來

阻
酋長
來貢

西北
路招
討司
擒阻
酋長
以來
獻以
所降
阻酋
酋長
圖木
同別
來

高麗
遣使
來貢
回鶻

年

年

女
酋
國進
馬

吐蕃
來貢
派易
州貧
民
高麗

回鶻
來貢

年

大康
元年

二年

四年

阻
諸酋
長來
貢

高麗
遣使
乞賜
鴨綠
江以

吐蕃
來貢
回鶻
來貢
阻
酋長
來貢
阻
諸酋

回鶻
來貢

高麗
遣使
來貢

回鶻
遣使
來貢

貢
並
使來

通本

東地
不許

長進
良馬

五年

阻卜
酋長
來貢

六年

女直
遣使
來貢

七年

阻卜
與余
古報
來貢

八年

阻卜
酋長
來貢

女直
國貢
良馬

鐵驪
酋長
貢方

九年

阻卜
酋長
來貢

十年

女直
阻卜
國貢
諸酋
良馬
長來

大安二年

阻卜
諸酋
長來
朝貢

十三年

女直
國來
貢良
馬

高麗
遣使
來貢

免高
麗歲
貢

十四年

高麗
遣使
謝封

皇統八年刊

九年

磨古
斯入

西
路招
討使
耶律
阿魯
掃古
追磨
古
還都

禿古
斯以
叛遣
奚六
部禿
里耶
律發
三蕃
部兵
討之
有司
奏磨
古斯
詰路
共路
招討
使耶
律不
也

五年

高麗
遣使
來貢

女直
國遣
使貢
良馬

回鶻
遣使
貢方

回鶻
遣使
貢物
不納
厚賜
遺之

日本
遣使
貢等
元二
十人
來貢

日本
遣使
貢來
國遣
使來
貢

阻下
酋長
磨古
斯殺
金吾

高麗
遣使
來貢

六年

阻下
諸酋
長來
降

阻下
酋長
來貢

遼東

三

嘉靖八年

遼東

三

入寇底入之捷
二部達里底
思母之捷奏達來降
底拔思母魯帶二部
達里奏拔蕭阿思母
來降討司部署底拔
扎等面招路副達里
等古西南山北

阻來寇卜
倒塌西
路群
牧及
渾河
北牧
馬皆
為所
為東
統路
使耶
律石
柳以
兵追
及盡
掠所

來魯等里底捷
葛蒲降達捷
拍撒等來斯之
下酋的烈磨古
獲阻卜酋奏討
軍司副阻軍司
路統酋銅路
西北楊德西
西北

敗之
帶擊
阿魯
部署
北寇
弟來
思母
及拔

監蕭
張九
遇賊
來不
戰與
利二
室三
北三
滿府
牧官
分等
軍多
賊陷
于多

遇言
附近
阻卜
酋長
北古
去底
星底
及拔
思母
並寇
倒塌
嶺路
阻卜
酋轄
底侵
掠西
路群

道表八

三三

壽隆元年

西南高麗
面招遣使
討司來貢

女直
國遣使來貢

限下
酋長
酋長
底及
圖木
葛來
朝貢

女直
國遣使進馬

二年

西南
之毋
等魯
蕭阿
擊敗
入寇
思毋
奏拔

高麗
來貢

高麗
來貢

三年

破之

阻下
酋長
酋長
葛及
粘八
葛八
骨撒
梅里
急酋
長忽
魯八
寧請
復舊
地以
貢方
物

幹特
刺討
阻下
破之

阻下
來貢

幹特
刺遣
人奏
梅里
捷急
捷之

西北
路統
軍司
奏梅
捷急
捷之

嘉靖八年刊

詔夏
國王

六年

七年

天祚
乾統
二年

李乾
順伐
援思
毋部

阻卜
酋長
來貢

阻卜
鐵驪
酋長
來貢

阻卜
入寇
幹特
刺等
戰敗
之

女直
國遣
使來
貢
鐵驪
來貢

三年

四年

六年

八年

女直
國梟
蕭海
里首
遣使
來獻

吐蕃
遣使
來貢

阻卜
來貢

吐蕃
遣使
來貢

高麗
遣使
來謝

西北
路招
討使
蕭敵
里率
諸蕃
酋長
來朝

嘉靖八年刊

卷之二

三

通志

三

九年

十年

天慶二年

三年

夏國
以宋
不歸
地遣
使來
告

阻卜
來貢
和州
回鶻
來貢
門下
送長
來貢
幹朗
改國
遣使
來獻
良犬

夏國
遣使
來貢

回鶻
遣使
來貢
高
遣使
來獻

四年

女直
國遣
使索
叛人
阿疎
不發

女直
國復
遣使
來取
阿疎
不發
意若
主之
直國
言女
還息

阿息
保還
言女
直國
主之
意若
還朝
貢如
舊不
然城
未能
已直
女直
國遣
師來
攻

女直
國下
寧江
州

叛
歸
女直

八年

九年

十年

軍

女直 春州 女古 皮室 四部 及勃 海人 皆降 復州 泰州

人皆 歸女 百國

都元 帥秦 王國 遇女 直軍 戰于 蕪山 績敗 女直 軍復 攻州 顯是 女直 國主

八年

遣耶律復遣 律奴哥 哥等還金使金 使金復國 國復書大 議和略言 好安如以 保安兄事 軍節朕歲 度使百方 張崇物歸 以雙上中 州民京興 二府

奴哥遣胡 以書約 來約 不踰 此月 見報 復遣 奴哥 使金 國要 以酌 中之 議主 餘戶 歲載 幣減

奴哥 突迭 見哥 奴哥 還金 主復 書請 龍化 州古 應古 劉仲 良勃 遣使 哥復 率等 歸附

以議 定冊 禮遣 奴哥 使于 金昌 寧昌 軍節 度使 劉完 以懿 州民 千歸

嘉靖八年刊

卷之三

戶歸三路
全國州縣

王公親
主駙
馬大
巨子
孫為
質及
還我
行人
與元
給信
牌并
宋夏
高麗
往復
書詔
表牒
可以
如約

九年

烏林
答贊
謨持
書來
迎冊
禮冊

遣知
右夷
事蕭
習泥
烈大
理寺
提點
楊勉
等冊
金主
為東
懷國
皇帝

阻卜
補疎
只等
反

遣胡
突來
與忽
哥持
書來
大略
如前
所約

歸附
金朝

如能
以兄
事朕
冊用
漢儀
可以
如約

金復
遣烏
林答
贊謨
持書
來責
冊文
無兄
事之
語不
言大
金而
云東
懷及
乖體
式如
依前
書所
定然
後可

復遣
蕭習
泥烈
楊近
忠先
持冊
囊使
于金

寶龍
里野
特末
霍石
和慶
伯龍
等各
率衆
歸于
金

漢
漢以

金

宣統八年刊

卷八

三十一

十年

金復以金
遣贊朝所
謨以定冊
書并草內
撰到大聖
冊文二字
副本與先
以來世稱
仍責號相
乞兵同復
千高遣晉
麗泥烈
持書
議之

親上師
攻京已
攻外
守留
不也
出降

從楊詢
知羅
于韋
率衆
歸金

保大元年

二年

金師聞金師
克中敗奚師將取西
京進王震出嶺京
下澤末于西遂
州北安趨白
隆其水樂
城其牧

南京
統軍
耶律
余觀
率將
吏戶
歸于

夏國
遣兵
來援
為金
師所
敗

親遇奉聖蔚州金師金志
金師州降降金也奉撫定
戰于金
石鞏
驛敗
績國
夏國
置曹
介來
居起

聖上南京
酒于
落昆
聽

三年

遼與興中

軍宜府降

錦乾金

顯成歸德

川臺軍父

懿等隱港

州降閩三

州款

附金

道表

及輕騎以
點前
點檢
耶律
高八
率衛
歸衛

金師回金冊李

至居帥書乾順

庸關乞為為夏

耶律弟若國皇

大石子量帝

被擒賜士

金師地

圍輜夏國

重於王李

青塚乾順

硬寨請掃
金遣其國

人以

書來

招回

書請

和金帥

以兵

送族

屬東

行乃

遣兵

激戰

于白

水藥

為金

師所

敗師

全帥

以書

來招

蕭
不
金
金
金
中

身清八年分

四年

五年

金師來攻
上棄
營北
遁
特毋
哥歸
金

地臨人祿小
其甘請遣
帥完為新
頌婁金城
上至

以書
答之
金帥
復書
不許
請和

蕭捷
不也
察刺
歸金
建州
降金
府降
興中

上過室等
步漠所獲
金師
忽至
徒步
出走

表第八

嘉靖八年刊

表第八

三十一

后妃傳第一

遼史七十一

元開府儀同三司上柱國前中書右丞相監修國史

大明南京國子監祭酒臣張邦奇司業臣江汝璧奉

旨校刊

書始嬪虞詩興關雎國史記載往往自家而國以立天下之本然尊卑之分不可易也司馬遷列呂后于紀班固因之而傳元后於外戚之後范曄登后妃于帝紀天子紀年以叙事謂之紀后曷為而紀之自晉史列諸后以首傳隋唐以來莫之能易也遼因突厥稱皇后曰可敦國語謂之賦俚寒尊稱曰耨幹廢蓋以配后土而母之云太祖稱帝

尊祖母曰太皇太后母曰皇太后嬪曰皇后等以徽稱加
以美號質於隋唐文於故俗后族唯乙室拔里氏而世任
其國事太祖慕漢高皇帝故耶律儼稱劉氏以乙室拔里
比蕭相國遂為蕭氏耶律儼陳大任遼史后妃傳大同小
異酌取其當著于篇

蕭祖昭烈皇后蕭氏小字卓真歸蕭祖生四子見皇子表
乾統三年追尊昭烈皇后

懿祖莊敬皇后蕭氏小字牙里辛蕭祖嘗過其家曰同姓
可結交異姓可結婚知為蕭氏為懿祖聘焉生男女七人
乾統三年追尊莊敬皇后

玄祖簡獻皇后蕭氏小字月里朶玄祖為狼德所害后廢
居恐不免命四子往依鄰家耶律臺押乃獲安太祖生后
以骨相異常懼有陰圖害者鞠之別帳重熙二十一年追
尊簡獻皇后

德祖宣簡皇后蕭氏小字巖母斤遙董氏宰相剔刺之女
男女六人太祖長子也天顯十一年崩祔德陵重熙二十
一年追尊宣簡皇后

大祖淳欽皇后述律氏諱平小字月理朶其先回鶻人糯
思生魏寧舍利魏寧生慎思梅里慎思生婆姑梅里婆姑
娶勻德烈王女生后于契丹右大部婆姑名月梳仕遙董

氏爲阿扎割只后簡重果斷有雄略嘗至遼王二河之會
有女子乘青牛車倉卒避路忽不見未幾童謠曰青牛嫗
曾避路蓋諺謂地祇爲青牛嫗云太祖即位群臣上尊號
曰地皇后神冊元年大冊加號應天大明地皇后行兵御
衆后嘗與謀太祖嘗渡磧擊党項黃頭臭泊一室帝乘虛
襲之后知勒兵以待奮擊大破之名震諸夷時晉王李存
勗欲結援以叔母事后幽州劉守光遣韓延徽求援不拜
太祖怒留之使牧馬后曰守節不屈賢者也宜禮用之太
祖乃召延徽與語大悅以爲謀主吳主李昱獻猛火油以
水沃之愈熾太祖選三萬騎以攻幽州后曰豈有試讎而

攻人國者指帳前樹曰無皮可以生乎太祖曰不可后曰
幽州之有土有民亦由是耳吾以三千騎掠其四野不過
數年困而歸我矣何必爲此萬一不勝爲中國笑吾部落
不亦解體乎其平渤海后與有謀太祖崩后稱制攝軍國
事及葬欲以身殉親戚百官力諫因斷右腕納于柩太宗
即位尊爲皇太后會同初上尊號曰廣德至仁昭烈崇簡
應天太后初太祖嘗謂太宗必與我家后欲分皇太子倍
避之太祖冊信爲東丹王太祖崩太宗立東丹王避之唐
太后常屬意於少子李胡太宗崩世宗即位于鎮陽太后
怒遣李胡以兵逆擊李胡敗太后親率師遇于灌河之橫

渡賴耶律屋質諫罷兵遷太后于祖州應曆三年崩年七十五祔祖陵謚曰貞烈重熙二十一年更今謚

太宗靖安皇后蕭氏小字溫淳欽皇后弟室魯之女帝爲大元帥納爲妃生穆宗及即位立爲皇后性聰慧潔素光被寵顧雖軍旅田獵必與天顯十年崩謚彰德葬奉陵重熙二十一年更今謚

世宗懷節皇后蕭氏小字撒葛只淳欽皇后弟阿古口之女帝爲永康上納之生景宗天祿末立爲皇后明年秋生萌古公主在盛祭割作亂弒太后及帝后乘步輦直詣祭割請畢收殮明日遇害謚曰孝烈皇后重熙二十一年更今謚

世宗妃甄氏後唐宮人有姿色帝從太宗南征得之寵遇甚厚生寧王只沒及即位立爲皇后嚴明端重風神閑雅內治有法莫干以私劉知遠郭威稱帝世宗承強盛之資奄奄歲時后與參帷幄密贊大謀不果用察割作亂遇害景宗立葬二后于鑿巫閭山建廟陵寢側

穆宗皇后蕭氏父知璠內供奉翰林承旨后生有靈氣馥郁久之幼有儀則帝居藩納爲妃及正位中宮性柔婉不能規正無子

景宗睿知皇后蕭氏諱綽小字燕燕北府宰相思溫女早慧思溫嘗觀諸女掃地惟后繫除喜曰此女必能成家帝

即位選爲貴妃尋冊爲皇后生聖宗景宗崩尊爲皇太后攝國政后泣曰母寡子弱族屬雄強邊防未靖奈何耶律斜軫韓德讓進曰信任臣等何慮之有於是后與斜軫德讓參決大政委于越休哥以南邊事統和元年上尊號曰承天皇太后二十四年加上尊號曰睿德神略應運啓化承天皇太后二十七年崩謚曰聖神宣獻皇后重熙二十一年更今謚后明達治道聞善必從故群臣咸竭其中曾知軍政澶淵之役親御戎車指麾三軍賞罰信明將士用命聖宗稱遼盛主后教訓爲多

聖宗仁德皇后蕭氏小字菩薩哥睿智皇后弟隗因之女

年十二美而才選入掖庭統和十九年冊爲齊天皇后嘗以草筵爲殿式密付有司令造清風天祥八方三殿旣成益寵異所乘車置龍首鴟尾飾以黃金又造九龍輅諸子車以白金爲浮圖各有巧思夏秋從行山谷間花木如繡車服相錯人望之以爲神仙生皇子二皆早卒開泰五年宮人耨斤生興宗后養爲子帝大漸耨斤嘗后曰老物寵亦有旣耶左右扶后出帝崩耨斤自立爲皇太后是爲欽哀皇后護衛馮家奴喜孫等希旨誣告北府宰相蕭浞卜國舅蕭匹敵謀逆詔令鞠治連及后興宗聞之曰皇后侍先帝四十年撫育眇躬當爲太后今不果反罪之可乎欽

哀曰此人若在恐爲後患帝曰皇后無子而老雖在無能爲也欽哀不從遷后于上京車駕春蒐欽哀慮帝懷鞠育之恩馳遣人加害使至后曰我實無辜天下共知卿待我浴而後就死可乎使者退比反后已崩年五十是日若有見后于木葉山陰者乘青蓋車衛從甚嚴追尊仁德皇后與欽哀並祔慶陵

聖宗欽哀皇后蕭氏小字耨斤淳欽皇后弟阿古只五世孫黜面狼視母嘗夢金柱擎天謂子欲上不能后後至與僕從皆陞異之入宮嘗拂承天太后榻獲金鷄吞之膚色光澤勝常太后驚異曰是必有奇子已而生興宗仁

德皇后無子取而養之如已出后以興宗侍仁德皇后謹不悅聖宗崩令馮家奴等誣仁德皇后與蕭浞卜蕭匹敵等謀亂從上京害之自立爲皇太后攝政以生辰爲應聖節重熙元年尊爲仁慈聖善欽孝廣德安靖貞純寬厚崇覺儀天皇太后三年后陰召諸弟議欲立少子重元重元以所謀白帝帝收太后符璽遷于慶州七括宮六年秋帝悔之親馭奉迎侍養益孝謹后常不憚帝崩殊無戚容見崇聖皇后悲泣如禮謂曰汝年尚幼何哀痛如是清寧初尊爲太皇太后崩謚曰欽哀皇后后初攝政追封曾祖爲蘭陵郡王父爲齊國王諸弟皆王之雖漢五侯無以過

興宗仁懿皇后蕭氏小字撻里欽哀皇后弟孝穆之長女
性寬容姿貌端麗帝即位入宮生道宗重熙四年立為皇
后二十二年號貞懿慈和文惠孝敬庶愛崇聖皇后道宗
即位尊為皇太后清寧二年上尊號曰慈懿仁和文惠孝
敬廣愛宗天皇太后九年秋敦睦宮使耶律良以重元與
其子涅魯古反狀密告太后乃言于帝帝疑之太后曰此
社稷大事宜早為計帝始戒嚴及戰太后親督衛士破逆
黨太康二年崩謚仁懿皇后仁慈淑謹中外感德凡正旦
生辰諸國貢幣悉賜貧瘡嘗夢重元曰臣骨在太子山北
不勝寒凍寤即命屋之慈憫類此

興宗貴妃蕭氏小字三嬪駙馬都尉匹里之女選入東宮
帝即位立為皇后重熙初以罪降貴妃

道宗宣懿皇后蕭氏小字觀音欽哀皇后弟樞密使惠之
女姿容冠絕工詩善談論自制歌詞尤善琵琶重熙中帝
王燕趙納為妃清寧初立為懿德皇后皇太后叔重元妻以
艷冶自矜后見之戒曰為貴家婦何必如此后生太子濬
有專房寵好音樂伶官趙惟一得侍左右大康初宮婢單
登教坊朱頂鶴誣后與惟一私樞密使耶律乙辛以聞詔
乙辛與張孝傑劾狀因而實之族誅惟一賜后自盡歸其
尸於家乾統初追謚宣懿皇后合葬慶陵

道宗惠妃蕭氏小字坦思駙馬都尉震抹之妹大康二年
乙辛譽之選入掖庭立為皇后居數歲未見皇嗣后妹幹
特懶先嫁乙辛子綏也后以宜子言于帝離婚納宮中八
年皇孫延禧封梁王降為惠妃徙乾陵幹特懶還其家頃
之其母燕國夫人厭魅梁王伏誅貶妃為庶人幽于宜州
諸弟没入與聖宮天慶六年召還封太皇太妃後二年奔
黑頂山卒葬太子山

天祚皇后蕭氏小字奪里懶宰相繼先五世孫大安三年
入宮明年封燕國王妃乾統初冊為皇后性閑淑有儀則
弟奉先保先等緣后寵柄任女直亂從天祚西狩以疾

崩

天祚德妃蕭氏小字師姑北府宰相常哥之女壽隆二年
入宮封燕國妃生子撻魯乾統三年改德妃以柴冊禮封
撻魯為燕國王加妃號贊翼王薨以哀戚卒

天祚文妃蕭氏小字瑟瑟國舅大父房之女乾統初帝幸
耶律撻葛第見而悅之匿宮中數月皇太叔和魯幹勸帝
以禮選納三年冬立為文妃生蜀國公主晉王敖盧幹尤
被寵幸以柴冊加號承翼善歌詩女直亂作日見侵迫帝
畋遊不恤忠臣多被踈斥妃作歌諷諫其詞曰勿嗟塞上
兮暗紅塵勿傷多難兮畏夷人不如塞姦邪之路兮選取

賢臣直須卧薪嘗膽兮激壯士之捐身可以朝清漢北兮
夕枕燕雲又歌曰丞相來朝兮劔佩鳴千官側目兮寂無
聲養成外患兮嗟何及禍盡忠臣兮罰不明親戚並居兮
藩屏位私門潛畜兮爪牙兵可憐往代兮秦太子猶向宮
中兮望太平天祚見而銜之播遷以來郡縣所失幾半上
頗有倦勤之意諸皇子敖盧幹最賢素有人望元后兄蕭
奉先深忌之誣南軍都統余覩謀立晉王以妃與聞賜死
天祚元妃蕭氏小字貴哥燕國妃之妹年十七冊爲元妃
性沉靜嘗晝寢近侍盜貂裊妃覺而不言宮掖稱其寬厚
從天祚西狩以疾薨

論曰遼以鞍馬爲家后妃往往長於射御軍旅田獵未嘗
不從如應天之奮擊室韋承天之御戎瀛淵仁懿之親破
重元古所未有亦其俗也靖安無毀無譽齊天巧思乃奢
侈之漸宣懿度曲知音豈致誣蔽之階乎文妃能歌詩諷
諫而謂謀私其子非矣若簡憲之艱危保孤懷節之從容
就義雖烈丈夫何以過之欽哀狠桀賊殺嫡后而興宗不
能防閑其母惜哉

后妃傳第一

宗室傳第二

遼史七十一

元開府儀同三司上柱國前中書右丞相監修國史
都總裁臣脫脫修

義宗名倍小字圖欲太祖長子母淳欽皇后蕭氏幼聰敏
好學外寬內摯神冊元年春立為皇太子時太祖問侍臣
曰受命之君當事天敬神有大功德者朕欲祀之何先皆
以佛對太祖曰佛非中國教倍曰孔子大聖萬世所尊宜
先太祖大悅即建孔子廟詔皇太子春秋釋奠嘗從征烏
古党項為先鋒都統及經略燕地太子西征留倍守京師
因陳取渤海計天顯元年從征渤海拔扶餘城上欲括戶

口倍諫曰今始得地而料民民必不安若乘破竹之勢徑造忽汗城克之必矣太祖從之倍與大元帥德光爲前鋒夜圍忽汗城人譴譟窮蹙請降尋復叛太祖破之改其國曰東丹名其城曰天福以倍爲人皇王主之仍賜天子冠服建元甘露稱制置左右太次四相及百官一用漢法歲貢布十五萬端馬千匹上諭曰此地瀕海非可久居留汝撫治以見朕愛民之心駕將還倍作歌以獻陛辭太祖曰得汝治東土吾復何憂倍號泣而出遂如儀坤州未幾諸部多叛大元帥討平之太祖訃至倍即日奔赴山陵倍知皇太后意欲立德光乃謂公卿曰大元帥功德及人神中

外攸屬宜主社稷乃與群臣請於太后而讓位焉於是大元帥即皇帝位是爲太宗太宗旣立見疑以東平爲南京徙倍居之盡遷其民又置衛士陰伺動靜倍旣歸國命王繼遠撰建南京碑起書樓于西宮作樂園詩唐明宗聞之遣人跨海持書密召倍倍因畋海上使再至信謂左右曰我以天下讓主上今反見疑不如適他國以成吳太伯之名立木海上刻詩曰小山厭天山大山全無力羞見故鄉人從此投外國携高美人載書浮海而去唐以天子儀衛迎倍倍坐船殿衆官陪列上壽至汴見明宗明宗以莊宗后夏氏妻之賜姓東丹名之曰慕華改瑞州爲懷化軍

拜懷化軍節度使瑞慎等州觀察使復賜姓李名替董移
鎮滑州遙領虔州節度使倍雖在異國常思其親問安之
使不絕後明宗養子從珂弒其君自立倍密報太宗曰從
珂弒君盍討之及太宗立石敬瑭為晉主加兵于洛從珂
欲自焚召倍與俱倍不從遣壯士李彥紳害之時年三十
八有一僧為收瘞之敬瑭入洛喪服臨哭以王禮權厝後
太宗改葬于鑿巫間山謚曰文武元皇王世宗即位謚讓
國皇帝陵曰顯陵統和中更謚文獻重熙二十年增謚文
獻欽義皇帝廟號義宗及謚二后曰端順曰柔貞倍初市
書至萬卷藏于鑿巫間絕頂之望海堂通陰陽知音律精

醫藥砭炳之術工遼漢文章嘗譯陰符經弄畫本國人物
如射騎獵雪騎千鹿圖皆入宋秘府然性刻急好殺婢妾
微過常加剗灼夏氏懼而求削髮為尼五子長世宗次婁
國稍隆先道隱各有傳

平王隆先字團隱母大氏景宗即位始封平王未幾兼政
事令留守東京薄賦稅省刑獄恤鰥寡數為昏能之士後
與統軍耶律室魯同討高麗有功還薨葬鑿巫間山之道
隱谷平王為人聰明博學能詩有閨苑集行于世保寧之
季其子陳哥與渤海官屬謀殺其父舉兵作亂上命輟裂
于市

晉王道隱字留隱母高氏道隱生于唐人皇王遭李從珂
之害時年尚幼洛陽僧匿而養之因名道隱太宗滅唐還
京詔賜外羅山地居焉性沉靜有文武才時人稱之景宗
即位封蜀王爲上京留守乾亨元年遷守南京號令嚴肅
民獲安業居數年徙封荆王統和初病薨追封晉王

論曰自古新造之國一傳而太子讓豈易得哉遼之義宗
可謂盛矣然讓而見疑豈不兆於建元稱制之際乎斯則
一時君臣昧於禮制之過也東書浮海寄跡他國思親不
忘問安不絕其心甚有足諒者焉觀其始慕泰伯之賢而
爲遠適之謀終疾陳恒之惡而有請討之舉志趣之卓蓋

已見於早歲先祀孔子之言歟善不令終天道難詰得非
性刻嗜殺之所致也雖然終遼之代賢聖繼統皆其子孫
至德之報昭然在茲矣

章肅皇帝小字李胡一名洪古字奚隱太子第三子母淳
欽皇后蕭氏少勇悍多力而性殘酷小怒輒黥人面或投
水火中太祖嘗觀諸子寢李胡縮項許內曰是必在諸子
下又嘗大寒命三子採薪太宗不擇而取最先至人皇王
取其乾者束而歸後至李胡取少而棄多旣至袖手而立
太祖曰長巧而次成少不及矣而母篤愛李胡天顯五年
遣狗地代北攻寰州多俘而還遂立爲皇太弟兼天下兵

馬大元帥太宗親征常留守京師世宗即位鎮陽太后怒遣李胡將兵擊之至泰德泉爲安端留哥所敗太后與世宗隔潢河而陣各言舉兵意即律屋質入諫太后曰主上已立宜許之時李胡在側作色曰我在兀欲安得立屋質曰柰公酷暴失人心何太后顧李胡曰昔我與太祖愛汝異於諸子諺云偏憐之子不保業難得之婦不主家我非不欲立汝汝自不能矣及會議世宗使解劍而言和約既定趨上京會有告李胡與太后謀廢立者徙李胡祖州禁其出入穆宗時其子喜隱謀反辭遠李胡囚之死獄中年五十葬玉峯山西谷統和中追謚欽順皇帝重熙二十一

年更謚章肅后曰和敬二子宋王喜隱衛王完

喜隱字完德雄偉善騎射封趙王應眉中謀反事覺上臨問有狀以親釋之未幾復反下獄景宗即位聞有赦自去其械而朝上怒曰汝罪人何得擅離禁所詔誅守者復實于獄及改元保寧乃宥之妻以皇后之姊復爵王宋喜隱輕僥無恒小得志即驕上嘗召不時一王怒而鞭之由是憤怨謀亂貶而復召適見上與劉繼元言辭意卑遜諫曰本朝於漢爲祖書言如此恐虧國體帝尋改之授西南面招討使命之河東索吐蕃戶稍見進用佞誘羣小謀叛上命械其手足築園土囚祖州宋降卒二日餘人欲劫之喜隱

以城堅不得入立其子留禮壽上京馬守除室擒之留禮
壽伏誅賜喜隱死

論曰李胡殘酷驕盈太祖知其不才而不能教太后不知
其惡而溺愛之初以屋質之言定立世宗而復謀廢立子
孫繼以逆誅并及其身可哀也已夫曰太祖之世刺葛安
端首倡禍亂太祖既不之誅又復用之固為有君人之量
然惟太祖之才足以駕馭度乎其可也李胡而下宗王反
側無代無之遼之內難與國始終厥後嗣君雖嚴法以繩
之卒不可止烏虜創業垂統之主所以貽厥孫謀者可不
審歟

順宗名濬小字耶魯幹道宗長子母宣懿皇后蕭氏幼而
能言好學知書道宗嘗曰此子聰慧殆天授歟六歲封梁
王明年從上獵矢連發三中上顧左右曰朕祖宗以來騎
射絕人威震天下是兒雖幼不墜其風後遇十鹿射獲其
九帝喜設宴八歲立為皇太子大康元年兼領北南樞密
院事及母后被害太子有憂色耶律乙辛為北院樞密使
常不自安會護衛蕭忽古謀害乙辛事覺下獄副點檢蕭
十三謂乙辛曰臣民心屬太子公非閱閱一日若立吾輩
措身何地廼與同知北院宣徽事蕭特裏特謀搆陷太子
陰令護尉太保耶律查剌誣告都宮使耶律撒剌知院耶

律速撒護衛蕭忽古謀廢立詔案無迹不治乙辛復令牌
印即君蕭訛都幹等言查刺前告非妄臣實與謀欲殺耶
律乙辛等然後立太子臣若不言恐事發連坐帝信之幽
太子于別室以耶律燕哥鞫案太子具陳枉狀曰吾為儲
副尚何所求公當為我辨之燕哥乃乙辛之黨易其言為
欵伏上大怒廢太子為庶人將出曰我何罪至是十三叱
登車遣衛士闔其扉徙于上京囚園堵中乙辛尋遣達魯
古撒八往害之太子年方二十上京留守蕭撻得給以疾
薨聞上哀之命有司葬龍門山欲召其妃乙辛陰遣人殺
之州後知其冤悔恨無及謚曰昭懷太子以天子禮改葬

玉峯山乾統初追尊大孝順聖皇帝廟號順宗妃蕭氏貞
順皇后一子延禧即天祚皇帝

論曰道宗知太子之賢而不能辨乙辛之詐竟絕父子之
親為萬世惜乙辛知為一身之計不知有君臣之義豈復
知有太子乎姦邪之臣亂人家國如此可不戒哉可不戒
哉

晉王小字敖盧幹天祚皇帝長子母曰文妃蕭氏甫髫髻
馳馬善射出為大丞相耶律隆運後封晉王性樂道人善
而矜人不能時宮中見讀書者輒斥敖盧幹嘗入寢殿見
小底茶刺閱書因取觀會諸王至陰袖而歸之曰勿令他

人見也一時號稱長者及長積有人望內外歸心保大元
年南軍都統耶律余覲與其母文妃密謀立之事覺余覲
降金文妃伏誅敖盧幹實不與謀免二年耶律撒八等復
謀立不克上知敖盧幹得人心不忍加誅令縊殺之或勸
之亡敖盧幹曰安忍為慕爾之軀而失臣子之大節遂就
死聞者傷之
論曰天祚不君臣下謀立其子適以殺之敖盧幹重君父
之命不亡而死申生其恭矣乎

宗室傳第二

列傳第三

遼史七十三

元開府儀同三司上柱國前中書右丞相監修國史
都總裁臣脫脫修

耶律曷魯字控溫一字洪隱迭刺部人祖匣馬葛簡憲皇
帝兄父偶思遙輦時為本部夷裔董曷魯其長子也性質
厚在髫髻與太祖遊從父釋魯奇之曰與我家者必二兒
也太祖既長相與易裘馬為好然曷魯事太祖彌謹會滑
哥弒其父釋魯太祖顧曷魯曰滑哥弒父料我必不能容
將反噬我今彼歸罪臺哂為解我姑與之是賊吾不忘也
自是曷魯常佩刀從太祖以備不虞居久之曷魯父偶思

病召曷魯曰阿保機神略天授汝率諸弟赤心事之已而
太祖來問疾偶思執其手曰爾命世奇才吾兒曷魯者他
日可委以事吾已諭之矣既而以諸子屬之太祖為撻馬
狝沙里參預部族事曷魯領數騎乃小黃室韋來附太祖
素有大志而知曷魯賢軍國事非曷魯議不行會討越兀
與烏古部曷魯為前鋒戰有功及太祖為迭刺部夷曷董
討奚部其長木里偪險而壘攻莫能下命曷魯持一笥往
諭之既入為所執迺說奚曰契丹與奚言語相通實一國
也我夷曷董於奚豈有較轢之心哉漢人殺我祖多矣夷
曷董怨次骨日夜思報漢人顧力弱使我求援於奚傳

矢以示信耳夷曷董受命於天撫下以德故能有此衆也
今奚殺我違天背德不祥莫大焉且兵連禍結當自此始
豈爾國之利乎木里感其言乃降太祖為于越秉國政欲
命曷魯為迭刺部夷曷董辭曰賊在君側未敢遠去太祖
討黑車子室韋幽州劉仁恭遣養子趙霸率衆來救曷魯
伏兵桃山俟霸衆過半而要之與太祖合擊斬獲甚衆遂
降室韋太祖會李克用于雲州時曷魯侍克用顧而壯之
曰偉男子為誰太祖曰吾族曷魯也會遙輦痕德董可汗
歿群臣奉遺命請立太祖太祖辭曰昔吾祖夷曷董雅里
嘗以不當立而辭今若等復為是言何歟曷魯進曰曷魯

祖之辭遺命弗及符瑞未見第爲國人所推戴耳今先君
言猶在耳天人所與若合符契天不可逆人不可拂而君
命不可違也太祖曰遺命固然汝焉知天道曷魯曰聞于
越之生也神光屬天異香盈幄夢受神誨龍錫金佩天道
無私必應有德我國削弱齟齬於隣部日久以故生聖人
以興起之可汗知大意故有是命且遙輦九營幕布非無
可立者小大臣民屬心于越天也昔者于越伯父釋魯嘗
曰吾猶蛇兒猶龍也天時人事幾不可失太祖猶未許是
夜獨召曷魯責曰衆以遺命迫我汝不明吾心而亦俛隨
耶曷魯曰在昔夷鬪董雅里雖推戴者衆辭之而立阻午

爲可汗相傳十餘世君臣之分亂紀綱之統隳委質他國
若綴旒然羽檄遙午民疲奔命興王之運實在今日應天
順人以答顧命不可失也太祖乃許明日即皇帝位命曷
魯總軍國事時制度未講國用未克肩從未備而諸弟刺
葛等往往覬非望太祖它行營始置晦心部選諸部豪健
二千餘克之以曷魯及蕭敵魯總焉口而諸弟之亂作太
祖命曷魯總領軍事討平之以功爲洪剌部夷萬董時民
更兵焚剽日以抗敵曷魯撫輯有方畜牧益滋民用富庶
乃討烏古部破之自是震懼不敢復叛迺請制朝儀建元
率百官上尊號太祖既備禮受冊拜曷魯爲阿魯敦于越

阿魯敦者遼言盛名也後太祖伐西南諸夷數爲前鋒神冊二年從逼幽州與唐節度使周德威拒戰可汗州西敗其軍遂圍幽州未下太祖以時暑班師留曷魯與盧國用守之俄而救兵繼至曷魯等以軍火無援退三年七月皇都旣成燕群臣以落之曷魯是日得疾薨年四十七旣葬賜名其阡宴答山口于越峪詔立石紀功清寧間命立祠上京初曷魯病革太祖臨視問所欲言曷魯曰陛下聖德寬仁群生成遂帝業隆興臣旣蒙寵渥雖瞑目無憾惟祈迭刺部議未決願亟行之及薨太祖流涕曰斯人若登三五載吾謀蔑不濟矣後太祖二十一功臣各有所擬以曷

魯爲心云子惕刺撒刺俱不仕

論曰曷魯以肺腑之親任帷幄之密言如著龜謀成戰勝可謂筭無遺策矣其君臣相得之誠庶吳漢之於光武歟夫信其所可信智也太祖有焉故曰惟聖知聖惟賢知賢斯近之矣

蕭敵魯字敵輦其母爲德祖女弟而淳欽皇后又其女兄也五世祖曰胡毋里遙輦氏時嘗使唐唐留之幽州一夕折關遁歸國由是世爲決獄官敵魯性寬厚膂力絕人習軍旅事太祖潛藩日侍左右凡征討必與行陣旣即位敵魯與弟阿古只耶律釋魯耶律曷魯皆總宿衛拜敵魯比

府宰相世其官太祖征奚及討劉守光敵魯略地海濱殺獲甚衆頃之刺葛等作亂潰而北走敵魯率輕騎追之兼晝夜行至榆河敗其黨獲刺葛以獻太祖嘉之錫賚甚渥後討西南夷功居諸將先神冊三年十二月卒敵魯有膽略聞敵所在即馳赴親冒矢石前後戰未嘗少衄必勝乃止以故在太祖功臣列喻以手云弟阿古只

阿古只字撒本少卓越自放不羈長驍勇善射臨敵敢前每射甲楯輒洞貫太祖為于越時以材勇充任使既即位與敵魯總腹心部刺葛之亂也淳欽皇后軍黑山阻險自固太祖方經略奚地命阿古只統百騎往衛之逆黨迭里

特耶律滑哥素憚其勇略相戒曰是不可犯也刺葛既北走與敵魯追擒于榆河神冊初元討西南夷有功徇山西諸郡縣又下之敗周德威軍三年以功拜北府宰相世其職天贊初與王郁略地燕趙破磁窯鎮太祖西征悉誘以南面邊事攻渤海破扶餘城獨將騎兵五百敗老相軍三萬渤海既平改東丹國頃之已降郡縣復叛盜賊蜂起阿古只與康默記討之所向披靡會賊游騎七千自鴨綠府來援勢張甚阿古只帥麾下精銳直犯其鋒一戰克之斬敵二千餘遂進軍破回跋城以病卒功臣中喻阿古只為

耶律斜涅赤字撒剌六院部舍利蒙古直之族始字鐸益
早隸太祖幕下嘗有疾賜罇酒飲而愈遼言酒尊曰撒剌
故詔易字焉太祖即位掌腹心部天贊初分迭剌部爲北
南院斜涅赤爲北院夷離董帝西征至流沙威聲大振諸
夷潰散廼命斜涅赤撫集之及討渤海破扶餘城斜涅赤
從太子大元帥率衆夜圍忽汗城大譴譟降已而復叛命
諸將分地攻之詰旦斜涅赤感勵士伍鼓譟登陴敵震懼
莫敢禦遂破之天顯中卒年七十居佐命功臣之一姪老
古頰德

老古字撒懶其母淳欽皇后姊也老古幼養宮掖旣長沉

毅有勇略隸太祖帳下旣即位屢有戰功刺葛之亂也欲
乘我不備爲掩襲計給降太祖將納之命老古耶律欲穩
嚴號令勒士卒控轡以防其變逆黨知有備懼而遁以功
授右皮室詳穩典宿衛太祖侵燕趙遇唐兵雲碧店老古
恃勇輕敵直犯其鋒戰久之被數創歸營而卒太祖深悼
惜之佐命功臣其一也

頰德字兀古鄰弱冠事太祖天顯初爲左皮室詳穩典宿
衛遷南院夷離董治有聲石敬瑭破張敬達軍於太原北
時頰德勒兵爲援敬達遁敬瑭追至晉安寨圍之頰德領
輕騎襲潞州塞其餉道唐諸將懼殺敬達以降會同初改

迭刺部夷離堇爲大王即拜頗德旣而加採訪使舊制盡
祖以下宗室稱院德祖宗室號三父房稱橫帳百官子弟
及籍没人稱著帳耶律斜的言橫帳班列不可與北南院
並太宗詔在廷議皆曰然乃詔橫帳班列居上頗德奏曰
臣伏見官制北南院大王品在惕隱上今橫帳始圖爵位
之高願與北南院參任茲又恥與同列夫橫帳與諸族皆
臣也班列奚以異帝乃諭百官曰朕所不知卿等不宜面
從詔仍舊制其強直不撓如此頗德狀貌秀偉初太祖見
之曰是子風骨異常兒必爲國器後果然卒年四十九
耶律欲穩字轄刺于突呂不部人祖臺押遙輦特爲北邊

拽刺簡獻皇后與諸王之懼難也嘗倚之以免太祖思其
功不忘又多欲穩嚴重有濟世志乃命典司近部以遺諸
族窺覲之想欲穩旣見器重益感奮思報太祖始置宮分
以自衛欲穩率門客首附宮籍帝益嘉其忠詔以臺押配
享廟廷及平刺葛等亂以功遷奚迭刺部夷離堇從征渤海
有功天顯初卒後諸帝以太祖之與欲穩也爲故往往
取其子孫爲友宮分中稱八房皆其後也弟霞里終奚六
部禿里

耶律海里字涅刺昆遙輦昭古可汗之裔太祖傳位海里
與有力焉初受命屬籍比局萌覲覲而遙輦故族瓦剌望

海里多完帝知人之明而素服太祖威德獨歸心焉以故
太祖託爲耳目數從征討旣清內亂始置遙輦釐敵穩命海
里領之天顯初征渤海海里將遙輦亂破忽汗城師般卒

列傳第四

遼史七十四

元開府儀同三司上柱國前中書右丞相監修國史
都總裁臣脫脫修

耶律敵刺字合魯隱遙輦鮮質可汗之子太祖踐阼與敵
穩海里同心輔政太祖知其忠實命掌禮儀且誘以軍事
後以平內亂功代轄里爲奚六部吐里卒敵刺善騎射頗
好禮文

蕭痕篤字元里軫迭刺部人其先相遙輦釐敵穩命海
里以才能自任早隸太祖帳下數從征討旣踐阼除北府宰
相痕篤事親孝克政尚寬簡

康默記本名照少為薊州衙校太祖侵薊州得之愛其材
隸麾下一切蕃漢相涉事屬默記折衷之悉合上意時諸
部新附文法未備默記推析律意論決重輕不差毫釐罹
禁網者人人自以為不寃頃之拜左尚書神冊二年始建
都默記董役人咸勸趨百日而訖事五年為皇都夷裔畢
會太祖出師居庸關命默記將漢軍進逼長蘆水寨俘馘
甚衆天贊四年親征渤海默記與韓知古從後大譚譔叛
命諸將攻之默記分薄東門率驍勇先登既拔與韓延徽
下長嶺府軍還已下城邑多叛默記與阿古只平之既破
回跋城歸營太祖山陵畢卒佐命功臣其一也孫延壽字

胤昌少倜儻謂其所親大丈夫為將當效節邊垂馬革裹
屍景宗特授千牛衛大將軍宋人攻南京諸將既成列延
壽獨奮擊陣前敵遂大潰以功遙授保大軍節度使乾寧
三年卒

韓延徽字藏明幽州安次人父彥殷累官節儒順三州刺
史延徽少英燕帥劉仁恭奇之召為幽都府文學平州錄
事參軍同馮道祗候院授幽州觀察度支使後守光為帥
延徽來聘太祖怒其不屈留之述律后諫曰彼秉節弗撓
賢者也奈何困辱之太祖召與語合上意立命參軍事攻
完項室韋服諸部落延徽之壽居多乃請樹城郭分市里

以居漢人之降者又為定配偶教藝藝以生養之以故逃
亡者少居久之慨然懷其鄉里賦詩見意遂亡歸唐邑而
與他將王緘有隙懼及難乃省親幽州匿故人王德明舍
德明問所適延徽曰吾將復走契丹德明不以為然延徽
笑曰彼失我如失左右手其見我心喜既至太祖問故延
徽曰忘親非孝棄君非忠臣雖挺身逃臣心在陛下臣是
以復來上大悅賜名曰匡列匡列遼言復來也即命為守
政事令崇文館大學士中外事悉令參決天贊四年從征
渤海大譁譟乞降既而復叛與諸將破其城以功拜左僕
射又與康默記攻長嶺府拔之師還太祖崩哀動左右太

宗朝封魯國公仍為政事令使晉邊改南京三司使世宗
朝遷南府宰相建政事省設張理且稱盡力吏天祿二年
六月河東使請行冊禮帝召延徽定其制延徽奏一遵太
宗冊晉帝禮從之應曆中致事子德樞鎮東平詔許每歲
東歸省九年卒年七十八上聞震悼贈尚書令葬幽州之
魯郭世為崇文令公初延徽南奔太祖夢白鶴自帳中出
比還復入帳中詰旦謂侍臣曰延徽至矣已而果然太祖
初元庶事草創凡營都邑建宮殿正君臣定名分法度并
并延徽力也為佐命功臣之一十德樞德樞年甫十五太
宗見之謂延徽曰是兒卿家之福朕國之寶真英物也未

冠守左羽林大將軍遷特進大尉時漢人降與轉徙者多
寓東平丁歲蓄饑饉疾癘德樞請往撫字之授遼興軍節
度使下車整紛剔蠹恩煦信孚勸農桑興教化期月民獲
蘇息入為南院宣徽使遷授天平軍節度使平灤營三州
管内觀察處置等使門下平章事已而加開府儀同三司
行侍中封趙國公保寧元年卒孫紹勳紹芳紹勳仕至東
京戶部使會大延琳叛被執辭不屈賊以鋸解之憤罵至
死紹芳重熙間參知政事加兼侍中時廷議征李元昊力
諫不聽出為廣德軍節度使聞敗嘔血卒孫資讓壽隆初
拜中書侍郎平章事會宋徽宗嗣位遣使來報有司按籍

有登寶位文坐是出為崇義軍節度使改鎮遼興卒

韓知古薊州玉田人善謀有識量太祖平薊時知古六歲
為淳欽皇后兄欲穩所得後來嬪知古從焉未得省見父
之負其有怏怏不得志挺身逃庸保以供資用其子匡嗣
得親近太祖因間言太祖召見與語畧之命參謀議神冊
初遙授彰武軍節度使父之信任益篤總知漢兒司事兼
主諸國禮儀時儀法疏闊知古援據典故參酌國俗與漢
儀雜就之使國人易知而行頃之拜左僕射與康默記將
漢軍征渤海有功遷中書令天顯中卒為佐命功臣之一
子匡嗣

匡嗣以善醫直長樂宮皇后視之猶子應曆十年爲太祖廟詳穩後宋王喜隱謀叛辭引匡嗣上置不問初景宗在藩邸善匡嗣即位拜上京留守頃之王燕改南京留守保寧末以留守攝樞密使時耶律虎古使宋還言宋人必取河東合先事以爲備匡嗣詆之曰寧有是已而宋人果取太原乘勝逼燕匡嗣與南府宰相沙惕隱休哥侵宋軍于滿城方陣宋人請降匡嗣欲納之休哥曰彼軍氣甚銳疑誘我也可整頓士卒以禦匡嗣不聽俄而宋軍鼓譟薄我衆蹙踐塵起漲天匡嗣倉卒諭諸將無當其鋒衆旣奔遇伏兵扼要路匡嗣棄旗鼓遁其衆走湯州山獨休哥收所

棄兵械全軍還帝怒匡嗣數之曰違爾衆謀深入敵境爾罪一也號令不肅行伍不整爾罪二也棄我師旅挺身鼠竄爾罪三也偵候失機守御弗備爾罪四也捐棄旗鼓損威辱國爾罪五也促令誅之皇后引諸內戚徐爲開解上重違其請良乂威稍霽乃杖而免之旣而遙授晉昌軍節度使乾亨二年改西南面招討使卒曆智皇后聞之遣使臨弔賻贈甚厚後追贈尚書令五子德源德讓後賜名隆運德威德崇德凝德源德凝附傳餘各有傳

德源性愚而貪早侍景宗邸及即位列近侍統和間官崇義興國二軍節度使加檢校太師以附名德讓貽書諫之

終不悛以故論者少之後加同政事門下平章事遷攝保
寧軍節度使乾亨初卒

德疑謙遜廉謹保寧中遷護軍司徒開泰中累遷護衛太
保都宮使崇義軍節度使移鎮廣德秋滿部民請留從之
改西南面招討使党項隆蓋答叛平之遷大同軍節度使
卒于官子郭三終天德軍節度使孫育家奴終南院宣徽
使高十終遼興軍節度使

列傳第四

列傳第五

遼史七十五

元開府儀同三司上柱國前中書右丞相監修國史
都總裁臣脫脫修

耶律覲烈字兀里軫六院部蒲古只夷离董之後父偶思
亦為夷离董初太祖為于越時覲烈以謹愿寬恕見器使
既即位兄曷魯典宿衛以故覲烈入侍帷幄與聞政事神
冊三年曷魯薨命覲烈為迭刺部夷离董屬以南方事會
討党項皇太子為先鋒覲烈副之軍至天德雲內分道並
進覲烈率偏師渡河力戰斬獲甚衆天贊初析迭刺部為
北南院羅夷离董時大元帥率師由古北口略燕地覲烈

徇山西所至城堡皆下太祖嘉其功錫賚甚厚從伐渤海
拔扶餘城留覲烈與寅底石守之天顯二年留守南京十
年卒年五十六弟羽之

羽之小字兀里字寅底哂幼豪爽不群長嗜學通諸部語
太祖經營之初多預軍謀天顯元年渤海平立皇太子爲
東丹王以羽之爲中臺省右次相時人心未安左大相迭
刺不踰月薨羽之莅事勤恪威信並行太宗即位上表曰
我大聖天皇始有東土擇賢輔以撫斯民不以臣愚而任
之國家利害敢不以聞渤海昔畏南朝阻險自衛居忽汗
城今去上京遼邈旣不爲用又不罷戍果何爲哉先帝因

彼離心乘釁而動故不戰而克天授人與彼一時也遺種
寢以蕃息今居遠境恐爲後患梁水之地乃其故鄉地衍
土沃有木鐵鹽魚之利乘其微弱徙還其民萬世長策也
彼得故鄉又獲木鐵鹽魚之饒必安居樂業然後選徒以
翼吾左突厥党項室韋夾輔吾右可以坐制南邦混一天
下成聖祖未集之功貽後世無疆之福表奏帝嘉納之是
歲詔徙東丹國民於梁水時稱其善人皇王奔唐羽之鎮
撫國人一切如故以功加守太傅遷中臺省左相會同初
以冊禮赴闕加特進表奏左次相渤海蘇貪墨不法事卒
子和里終東京留守

耶律鐸臻字敵輦六院部人祖蒲古只遥輦氏時再爲本部夷离董耶律狼德等既害玄祖暴橫益肆蒲古只以計誘其黨悉誅夷之鐸臻幼有志節太祖爲于越常居左右後即位梁人遣使求輅軸材太祖難之鐸臻曰梁名求材實覘吾輕重宜答曰材之所生必深山窮谷有神司之須白鼻赤驢禱祠然後可伐如此則其語自塞矣已而果然天贊二年將伐渤海鐸臻諫曰陛下先事渤海則西夏必躡吾後請先西討庶無後顧憂太祖從之及淳欽皇后稱制惡鐸臻囚之誓曰鐵鎖朽當釋汝既而召之使者欲去鎖鐸臻辭曰鐵未朽可釋后聞嘉歎趣召釋之天顯二

年卒弟古突呂不

古字涅刺昆初名霞馬葛太祖爲于越嘗從略地山右會李克用於雲州古侍克用異之曰是兒骨相非常不宜使在左右以故太祖頗忌之時方西討諸弟亂作聞變太祖問古與否曰無喜曰吾無患矣趣召古議古陳殄滅之策後皆知言以故錫餐甚厚神冊末兩儀以古佐右皮室詳穩老古與唐兵戰于雲瑯石店老古中流矢傷甚太祖疑古陰害之古知上意跪曰陛下疑臣恥居老古麾下耶及今老古在請遣使問之太祖使問老古對曰臣於古無可疑者上意乃釋老古卒遂以古爲右皮室詳穩既卒太祖謂

左右曰古死猶長松自倒非吾伐之也

突呂不字鐸衮幼聰敏嗜學事太祖見器重及製契丹大字突呂不贊成爲多未幾爲文班林牙領國子博士知制誥明年受詔撰決獄法太祖略燕詔與皇太子及王郁攻定州師還至順州幽州馬步軍指揮使王千率衆來襲突呂不射其馬躓擒之天贊二年皇子堯骨爲大元帥突呂不爲副既克平州進軍燕趙攻下曲陽北平至易州易人來拒踰濠而陣李景章出降言城中人無鬪志大元帥將修攻具突呂不諫曰我師遠來人馬疲憊勢不可久留乃止軍還大元帥以其謀聞太祖大悅賜賚優渥車駕西征

燕趙攻下磁窯務從大

下平章事改崇義軍節度

太祖崩郁與妻會葬其妻泣訴於淳欽皇后求歸鄉國

許之郁奏曰臣本唐主之婿主已被弒此行夫妻豈能相

保願常侍太后后喜曰漢人中惟王郎最忠孝以太祖嘗

與李克用約爲兄弟故也尋加政事令還宜州卒

耶律圖魯審字阿魯隱肅祖子治春之孫勇而有謀略太

宗立晉之役其父敵魯古爲五院夷酋董歿于兵帝即以

其職授圖魯審會同元年改北院大王嘗屏左右與議大

事占對合上意從討石重貴杜重威擁十萬餘衆拒滹沱

擣力戰數日不得進帝曰兩軍爭渡人馬疲矣計安出諸將請緩師爲後圖帝然之圖魯窘厲色進曰臣愚竊以爲陛下樂於安逸則謹守四境可也旣欲擴大疆宇出師遠攻詎能無塵聖慮若中路而止適爲賊利則必陷南京夷屬邑若此則爭戰未已吾民無奠枕之期矣且彼步我騎何慮不克况漢人足力弱而行緩如選輕銳騎先絕其餉道則事蔑不濟矣帝喜曰國強則其人賢海巨則其魚大於是塞其餉道數出師以牽撓其勢重威果降如言以功獲賜甚厚明年去卒軍中

論曰神冊初元將相大臣拔起風塵之中翼扶王運以任職取名者固一時之材亦由太祖推誠御下不任獨斷用能總攬群策而爲之用歟其投天隙而列功庸至有心腹耳目手足之諭豈偶然哉討党項走敵魯平刺葛定渤海功亦偉矣若默記治獄不寃頗得持論不撓延徽立經陳紀紹勲秉節而死圖魯窘料敵制勝豈器博者無近用道長者其功遠歟稱爲佐命固宜

列傳第五

列傳第六

遼史七十六

元開府儀同三司上柱國前中書右丞相監修國史
都總裁臣脫脫修

耶律解里字潑單突呂不部人世爲小史解里早隸太宗
麾下擢爲軍校天顯間唐攻定州旣陷解里爲唐兵所獲
晉高祖立始歸國太宗賞其罪拜御史大夫會同九年伐
晉師次滹沱河奪中渡橋降其將杜重威上命解里與降
將張彥澤率騎兵三千疾趨河南所至無敢當其鋒旣入
汴解里等遷晉王重貴于開封府彥澤恣殺掠亂宮掖解
里不能禁百姓騷然莫不怨憤重駕至京數彥澤罪斬于

市汴人大悅解里亦被詰責尋釋之天祿間加守太子太
傅應曆初置本部令穩解里世其職卒

耶律拔里得字孩鄰太祖弟刺葛之子太宗即位以親愛
見任會同七年討石重貴拔里得進圍德州下之擒刺史
師居璠等二十七人九年再舉兵次滹沱河降杜重威戰
功居多太宗入汴以功授安國軍節度使總領河北道事
師還州郡徃徃叛以應劉知遠拔里得不能守而歸世宗
即位遷中京留守卒

耶律朔古字彌骨頂橫帳孟父之後幼為太祖所養既冠
為右皮室詳穩從伐渤海戰有功天顯七年授三河烏古
部都詳穩平易近民安之以故又其任會同間為惕隱
時晉主石重貴渝盟帝親征晉將杜重威擁眾拒滹沱月
餘帝由他渡濟朔古與趙延壽據中渡橋重威兵却遂降
是歲入汴世宗即位朔古奉太宗喪歸上京佐皇太后出
師坐是免官卒

耶律魯不古字信寧太祖從姪也初太祖制契丹國字魯
不古以贊成功授林牙監修國史後率偏師為西南邊大
詳穩從伐党項有功會河東節度使石敬瑭為其土所討
遣人求援魯不古導送于朝如其請帝親率師徃援魯不
古從擊唐將張敬達于太原北敗之會同初從討党項俘

獲最諸將師還天冊中拜于越六年為北院大王終年五十五

趙延壽本姓劉恒山人父邾令禧梁開平初滄州節度使劉守文陷禧其裨將趙得鈞獲延壽養以為子少美容貌好書史唐明宗先以女妻之及即位封其女為興平公主拜延壽駙馬都尉樞密使明宗子從榮恃權跋扈內外莫不震懾延壽求補外避之出為宣武軍節度使清泰初加魯國公復為樞密使鎮許州石敬瑭發兵太原唐遣張敬達往討會敬達敗保晉安寨延壽與德鈞往救聞晉安已破走團栢峪太宗追及延壽與其父俱降明年德鈞卒以

延壽為幽州節度使封燕王及改幽州為南京遷留守總山南事天顯末以延壽妻在晉詔取之以歸自是益自激昂圖報會同初帝幸其第加政事令冬晉人背盟帝親征延壽為先鋒下貝州授魏博等州節度使封魏王敗晉軍于南樂復其將賽項羽軍元城晉將李守貞高行周率兵來逆破之至頓丘會大霖雨帝欲班師延壽諫曰晉軍屯河濱不敢出戰若徑入澶州奪其橋則晉不足平上然之適晉軍先歸澶州高行周至析城延壽將輕兵逆戰上親督師上矢其陣敵遂潰師還留延壽狗具冀深三州八年再伐晉主遣延壽族人趙行實以書來招時晉人堅壁

不出延壽給曰我陷虜久寧忘父母之邦若以軍逆我即歸晉人以為然遣杜重威率兵迎之延壽至滹沱河據中渡橋與晉軍力戰手殺其將王靖兩軍相拒太宗潛由他渡濟留延壽與耶律朔古據橋敵不能奪屢敗之杜重威埽厥衆降上喜賜延壽龍鳳赭袍且曰漢兵皆爾所有爾宜親往撫慰延壽至營杜重威李守貞迎謁馬首後太宗克汴延壽因李崧求為皇太子上曰吾於魏王雖割肌肉亦不惜但皇太子須天子之子得為魏王豈得為也蓋上嘗許滅晉後以中原帝延壽以故摧堅破敵延壽常以身先至是以崧達意上命遷延壽秩翰林學士承旨張礪進

擬中京留守大丞相錄尚書事都督中外諸軍事上塗錄尚書事都督中外諸軍事世宗即位以翊戴功授樞密使天祿二年薨

高模翰一名松渤海人有膂力善騎射好談兵初太祖平渤海模翰避地高麗王妻以女因罪亡歸坐使酒殺人下獄太祖知其才其具之天顯十一年七月唐遣張敬達揚光遠帥師五十萬攻太原勢銳甚石敬瑭遣人求救太宗許之九月徵兵出太原模翰與敬達軍接戰敗之太原圍解敬瑭夜出謁帝約為父子帝召模翰等賜以酒饌親饗士卒士氣益振翌日復戰又敗之敬達鼠竄晉安寨模翰獻

俘于帝會敬瑭自立為晉帝光遠斬敬達以降諸州悉下
上諭模翰曰朕自起兵百餘戰卿功第一雖古名將無以
加乃授上將軍會同元年冊禮告成宴百官及諸國使于
二儀殿帝指模翰曰此國之勇將朕統一天下斯人之力
也群臣皆稱萬歲及晉叛盟出師南伐模翰為統軍副使
與僧遏前驅拔赤城破德貞諸寨是冬兼總左右鐵鷄子
軍下關南城邑數十三月勅虎官楊單赴乾寧軍為滄州
節度使田武名所圍模翰與趙延壽聚議往救俄有光自
燕翰目中出縈繞旗矛歘然如流星久之模翰喜曰此天
啓之祥遂進兵殺獲其衆以功加侍中略地鹽山破饒安

晉人震怖不敢接戰加大傅晉以魏府節度使杜重威領
兵三十萬來拒模翰謂左右曰軍法在正不在多以多陵
少不義必敗其晉之謂乎詰旦以麾下三百人逆戰殺其
先鋒梁漢璋餘兵敗走手詔褒美比漢之李陵頃之杜重
威等復至滹沱河帝召模翰問計上善其言曰諸將莫及
此乃令模翰守中渡橋及戰復敗之上曰朕憑高觀兩軍
之勢顧卿英銳無敵如鷹逐雉免當圖形麟閣爵貶後裔
已而杜重威等降車駕入汴加特進檢校太師封越郡開
國公賜璽書劔器為汴州巡檢使平汜水諸山土賊遷鎮
中京天祿二年加開府儀同三司賜對衣鞍勒名馬應曆

初召爲中臺省右相至東京父老歡迎曰公起戎行致身
富貴爲鄉里榮相如買臣輩不足過也九年正月遷左相
卒

趙思溫字文美盧龍人少果銳膂力兼人隸燕帥劉仁恭
幕李存勗問罪于燕思溫統偏師拒之流矢中目裂裳漬
血戰猶不已爲存勗將周德威所擒存勗壯而釋其縛又
之日見信用與梁戰於莘縣以驍勇聞授平州刺史兼平
管三州都指揮使神冊二年太祖遣大將經略燕地思
溫來降及伐渤海以思溫爲漢軍都團練使力戰拔扶餘
城身被數創太祖親爲調藥太宗即位以功擢檢校太保

保靜軍節度使天顯十一年唐兵攻太原石敬瑭遣使求
救上命思溫自嵐憲間出兵援之旣罷兵改南京留守盧
龍軍節度使管內觀察處置等使開府儀同三司兼侍中
賜協謀靜亂翊聖功臣尋改臨海軍節度使會同初從耶
律牒螭使晉行冊禮還加檢校太師二年有星隕于庭卒
上遣使賻祭贈太師魏國公子延昭延靖官至使相

耶律溫里思六院夷離董蒲古只之後負勇略每戰被重
鎧揮鐵槊所向披靡會同間伐晉上至河而獵適海東青
鷲搏雉晉人隔水以鷁引去上顧左右曰誰爲我得此人
溫里思請內廐馬濟河擒之并殺救者數人還上大悅優

加賞賚既而晉將杜重威逆于望都據水勒戰漚里思介
馬突陣餘軍繼之被圍衆言陣薄處可出漚里思曰恐彼
有他備竟引兵衝堅而出廻視衆所指皆大塹也其料敵
多此類是年總領敵烈皮室軍坐私免部曲奪官卒
張礪磁州人初仕唐爲掌書紀遷翰林學士會石敬瑭起
兵唐主以礪爲招討判官從趙德鈞援張敬達于河東及
敬達敗礪入契丹後太宗見礪剛且有文彩擢翰林學士
礪臨事必盡言無所避上益重之不幾謀亡歸爲追騎所
獲上責曰汝何故亡礪對曰臣不自北方土俗飲食居處
意常鬱鬱以是亡耳上顧通事高彥英曰朕嘗戒汝善遇

此人何乃使失所而亡礪去可再得耶遂杖彥英而謝礪
會同初陞翰林承旨兼吏部尚書從太宗伐晉入汴諸將
蕭翰耶律卽五麻答輩肆殺掠礪奏曰今大遼始得中國
宜以中國人治之不可專用國人及左右近習苟政令乖
失則人心不服雖得之亦將失之上不聽改右僕射兼門
下侍郎平章事頃之車駕北還至藥城崩時礪在恒州瀆
翰與麻答以兵圍其第礪方卧病出見之翰數之曰汝何
故於先帝言國人不可爲節度使我以國舅之親有征伐
功先帝留我守汴以爲宣武軍節度使汝獨以爲不可又
譖我與解里好掠人財物子女今必殺汝趣令鎖之礪抗

聲曰此國家大體安危所繫善實言之欲殺即殺奚以爲
爲麻答以礪大臣不可專殺乃救止之是夕礪志憤卒
論曰初晉因遼之兵而得天下故兼臣禮而父事之割地
以爲壽輸帛以爲貢未久也而會同之師次滹沱矣豈辟
帥貪功黷武而致然歟抑所謂信不由衷也哉模翰以功
名自終可謂良將若延壽之勳雖著至於覬覦儲位謬矣
利令智昏固無足議若乃成未釁以虧僑功如解里者何
譏焉

列傳第六

列傳第七

遼史七十七

元開府儀同三司上柱國前中書右丞相監修國史

都總裁 臣脫脫修

耶律屋質字敵輦系出孟父房姿簡靜有器識重然諾遇
事造次處之從容人莫能測博學知天文會同間爲惕隱
太宗崩諸大臣立世宗太后聞之怒甚遣皇子李胡以兵
逆擊遇安端劉哥等于秦德泉敗歸李胡盡執世宗臣僚
家屬謂守者曰我戰不克先殪此曹人皆恟恟相謂曰若
果戰則是父子兄弟相夷矣軍次黃河橫渡隔岸相拒時
屋質從太后世宗以屋質善籌欲行間乃設事奉書以試

太后太后得書以示屋質屋質讀竟言曰太后佐太祖定天下故臣願竭死力若太后見疑臣雖欲盡忠得乎爲今之計莫若以言和解事必有成否即宜速戰以決勝負然人心一搖國禍不淺惟太后裁察太后曰我若疑卿安肯以書示汝屋質對曰李胡永康王皆太祖子孫神器非移他族何不可之有太后宜思長策與永康王和議太后曰誰可遣者對曰太后不疑臣臣請往萬一永康王見聽廟社之福太后乃遣屋質授書於帝帝遣宣徽使耶律海思復書辭多不遜屋質諫曰書意如此國家之憂未艾也能釋怨以安社稷則臣以爲莫若和好帝曰彼衆烏合安能

敵我屋質曰即不敵柰骨肉何況未知孰勝借曰幸勝諸臣之族執於李胡者無唯類矣以此計之惟和爲善左右聞者失色帝良乂問曰若何而和屋質對曰與太后相見各紓忿恚和之不難不然決戰非晚帝然之遂遣海思詣太后約和徃返數日議乃定始相見怨言交讓殊無和意太后謂屋質曰汝當爲我畫之屋質進曰太后與太王若能釋怨臣乃敢進說太后曰汝第言之屋質借謁者籌執之謂太后曰昔人皇王在何故立嗣聖太后曰立嗣聖者太祖遺旨又曰大王何故擅立不稟尊親帝曰人皇王當立而不立所以去之屋質正色曰人皇王捨父母之國而

奔唐子道當如是耶大王見太后不少遜謝惟然是尋太
后牽于偏夢託先帝遺命妄授神器如比何敢望和當遠
交戰擲籌而退太后泣曰向太祖遭諸弟亂天下荼毒瘡
痍未復庸可再乎乃索籌一帝曰父不為而子為又誰咎
也亦取籌而執左右感激大慟太后復謂屋質曰議既定
神器竟誰歸屋質曰太后若授求康王順天合人復何疑
李胡厲聲曰我在元欲安得立屋質曰禮有世嫡不傳諸
弟昔嗣聖之立尚以為非况公暴戾殘忍人多怨讟萬口
一辭顛末康王不可奪也太后顧李胡曰汝亦聞此言
乎汝實自為之乃許立末康帝謂屋質曰汝與朕屬尤近

何反助太后屋質對曰臣以社稷至重不可輕付故如是
耳上喜其忠天祿二年耶律天德蕭翰謀反下獄惕隱劉
哥及其弟盆都結天德等為亂耶律石剌潛告屋質屋質
遽引入見白其事劉哥等不服事遂寢未幾劉哥邀駕觀
檮蒲捧觴上壽袖刃而進帝覺命執之親詰其事劉哥自
誓帝復不問屋質奏曰當使劉哥與石刺對狀不可輒恕
帝曰卿為朕鞠之屋質率劔士往訊之天德等伏罪誅天
德杖翰遷劉哥以盆都使轄戛斯國三年表列泰寧王祭
割陰謀事上不聽五年為右皮室詳穩秋上祭讓國皇帝
于行宮與群臣皆醉察割弒帝屋質聞有言衣紫者不可

失乃易衣而出亟遣人召諸王及喻禁衛長皮室等同力討賊時壽安王歸帳屋質遣弟冲迎之王至尚猶豫屋質曰大王嗣聖子賊若得之必不容群臣將誰事社稷將誰賴萬一落賊手悔將何及王始悟諸將聞屋質出相繼而至遲明整兵出賊不意圍之遂誅察割亂既平穆宗即位謂屋質曰朕之性命實出卿手命知國事以逆黨財產盡賜之屋質固辭應曆五年爲北院大王總山西事保寧初宋圍太原以屋質率兵往援至白馬山領遣勁卒夜出間道疾馳駐太原西鳴鼓舉火宋兵以爲大軍至懼而宵遁以功加于越四年漢劉繼元遣使來貢致幣於屋質屋質以

聞帝命受之是年五月薨年五十七帝痛悼輟朝三日後道宗詔上京立祠祭享樹碑以紀其功云

耶律吼字魯魯六院部夷崗黃蒲古只之後端慤好施不事生產太宗特加倚任會同六年爲南院大王蒞事精簡人不敢以年少易之時晉主石重貴表不稱臣辭多踞慢吼言晉罪不可不伐及帝親征以所部兵從既入汴諸將皆取內帑珍異吼獨取馬鎧帝嘉之及帝崩于欒城無遺詔軍中憂懼不知所爲吼詣北院大王耶律注議曰天位不可一日曠若請于太后則必屬李胡李胡暴戾殘忍詎能子民必欲厭人望則當立末康王注然之會耶律安搏

來意與吼合遂定議立末康王是爲世宗頃之以功加採
訪使賜以寶貨吼辭曰臣位已高敢復求富臣從弟的禄
諸子坐事籍沒陛下哀而出之則臣受賜多矣上曰吼舍
重賞以族人爲請其賢遠甚許之仍賜宮戶五十時有取
當世名流作七賢傳者吼與其一 天祿三年卒年三十九
子何魯不

何魯不字糾寧嘗與耶律屋質平察割亂穆宗以其父吼
首議立世宗故不顯用晚年爲本族敬史及景宗即位以
平察割功授昭德軍節度使爲北院大王時黃龍府軍將
燕頰殺守臣以叛何魯不討之破於鴨綠江坐不親追擊

以至失賊杖之乾亨間卒

耶律安搏曾祖巖木玄祖之長子祖 楚不魯爲本部夷离
董父迭里幼多疾時太祖爲撻馬攸 沙里常加撫育神冊
六年爲惕憐從太祖將龍軍討阻卜 党項有功天贊三年
爲南院夷离董征渤海攻忽汗城俘 斬甚衆太祖崩淳欵
皇后稱制欲以大元帥嗣位迭里建 言帝位宜先嫡長今
東丹王赴朝當立由是忤旨以黨附 東丹王詔下獄詞鞫
加以炮烙不伏殺之籍其家安搏自 幼若成人居父喪哀
毀過禮見者傷之太宗屢加慰諭嘗 曰此兒必爲令器既
長寡言笑重然諾動遵繩矩事母至 孝以父死非罪未葬

不預宴樂世宗在藩邸尤加憐恤安搏密自結納太宗伐
晉還至樂城崩諸將欲立世宗以李胡及壽安王在朝猶
豫未決時安搏直宿衛世宗密召問計安搏曰大王聰安
寬恕人皇王之嫡長先帝雖有壽安天下屬意多在大王
今若不斷後悔無及會有自京師來者安搏詐以李胡死
傳報軍中皆以為信於是安搏詣北南二大王計之北院
大王注聞而遽起自吾二人方議此事先帝嘗欲以末康
王為儲貳今日之事有我輩在孰敢不從但恐不白太后
而立為國家啓釁安搏對曰大王既知先帝欲以末康王
為儲則况末康王賢明人心樂附今天下甫定稍緩則大

事去矣若曰太后必立之且李胡殘暴行路共知果嗣
位如杜稷何南院大王吼曰此言是也吾計決矣乃整軍
召諸將奉世宗即位于太宗柩前帝立以安搏為腹心總
知宿衛是歲約和于黃河橫渡太后問安搏曰吾與汝有
何隙安搏以父死為對太后默然及置北院樞密使上命
安搏為之賜奴婢百口寵任無比事皆取決焉然惟太寬
事循苟簡豪猾縱恣不能制天祿末祭割兵犯御幄又不
能討由是中外短之穆宗即位以立世宗之故不復委用
應曆二年或誣安搏與齊王番撒葛謀亂繫獄死經撤給

左皮室詳穩

耶律注字敵釐隋國王釋魯孫南院襄陽董紹思子少南
器識人以公輔期之太祖時雖未官常任以事太宗即位
為惕隱天顯末帝援河東注為先鋒敗張敬達軍於太原
北會同中遷北院大王及伐晉復為先鋒與梁漢璋戰於
瀛州敗之太宗崩于欒城南方州郡多叛士馬困乏軍中
不知所為注與耶律吼定策立世宗乃令諸將曰大行上
賓神器無主永康王人皇王之嫡長天人所屬當立有不
從者以軍法從事諸將皆曰諾世宗即位賜宮戶五十拜
于越卒年五十四

耶律頽是字團寧孟父楚國王之後父末撥嘗為夷裔董

頽是性端直會同中領九石烈部政濟寬猛世宗即位為
惕隱天祿二年兼政事令封漆水郡王及穆宗立以巨贊
功嘗許以本部大王後將葬世宗頽是懇言於帝曰臣蒙
先帝厚恩未能報幸及大葬臣請陪位帝由是不悅寢其
議薨

耶律撻烈字涅魯哀六院部郎君襄古直之後沉厚多智
有任重才年四十未仕會同間為邊部令穩應曆初陞南
院大王均賦役勸耕稼部人化之戶口豐殖時周人侵漢
以撻烈都統西南道軍援之周已下太原數城漢人不敢
戰及聞撻烈兵至周主遣郭從義尚鈞等率精騎拒於忻

口捷烈擊敗之獲其將史彥超周重遁歸復所陷城邑漢
王詣捷烈謝及漢主殂宋師來伐上命捷烈為行軍都統
發諸道兵救之既出鴈門宋謀知而退保寧元年加兼政
事令致政乾亨初召之上見鬚髮皓然精力猶健問以政
事厚禮之以疾薨年七十九捷烈凡用兵賞罰信明得士
卒心河東單弱不為周宋所併者捷烈有力焉在治所不
修邊幅百姓無稱年穀屢稔時耶律屋質居北院捷烈居
南院俱有政迹朝議以為富民大王云

贊曰立嗣以嫡禮也太宗崩非安搏吼汪謀而克斷策立
世宗非屋質直而能諫杜太后之私折李胡之目奉以成橫
渡之約則亂將誰之四臣者庶幾春秋首止之功哉

列傳第七

列傳第八

遼史七十八

元開府儀同三司上柱國前中書右丞相監修國史

都總裁臣脫脫修

耶律夷臘葛字蘇散本宮分人檢校太師合魯之子應曆
初以父任入侍數歲始為殿前都點檢時上新即位疑諸
王有異志引夷臘葛為布衣交一切機密事必與之謀遷
寄班都知賜官戶時上酗酒數以細故殺人有監雉者因
傷雉而亡獲之欲誅夷臘葛諫曰是罪不應死帝竟殺之
以屍付夷臘葛曰收汝故人夷臘葛終不為止復有監鹿
詳穩亡一鹿下獄當死夷臘葛又諫曰人命至重豈可為

一獸殺之良父得免遼法鹿鹿岐角者惟天子得射會秋獵
音為鹿鳴者呼一慶至命夷臘葛射應該而踏上大悅賜
金銀各百兩名馬百疋及黑山東抹真之地後穆宗被弒
坐守衛不嚴被誅

蕭海瓌字宙的晒其先遙輦氏時為本部夷離董父塔列
天顯間為本部令穩海瓌貌魁偉膂力過人天祿間娶明
王安端女藹因翁主應曆初察割亂藹因連坐繼娶嘲瑰
翁主上以近戚嘉其勤篤命預北府宰相選項之總知軍
國事時諸王多坐反逆海瓌為人廉謹達政體每被命案
獄多得其情人無免者繇是知名漢主劉承鈞每遣使入

貢必別致幣物詔許受之年五十卒帝愍悼輟朝二日
蕭護思字延寧世為北院吏累遷御史中丞總典群牧部
籍應曆初遷左客省使未幾拜御史大夫時諸王多坐事
繫獄上以護思有才幹詔窮治稱旨改北院樞密使仍命
世預宰相選護思辭曰臣子孫賢否未知得一客省使足
矣從之上晚歲酗酒用刑多濫護思居要地齟齬自保未
嘗一言匡救議者以是少之年五十七卒

蕭思溫小字寅古宰相敵魯之族弟忽沒里之子通書史
太宗時為奚禿里太尉尚燕國公主為群牧都林牙思溫
在軍中握齧修邊幅僚佐皆言非將帥才尋為南京留守

初周人攻揚州上遣思溫躡其後憚暑不敢進拔緣邊數城而還後周師來侵圍馮母鎮勢甚張思溫請益兵帝報曰敵眾則與統軍司併兵拒之敵去則務農作勿勞士馬會敵入東城我軍退渡淖沱而屯思溫勒兵徐行周軍數日不動思溫與諸將議曰敵眾而銳戰不利則有後患不如頓兵以老其師躡而擊之可以必勝諸將從之遂與統軍司兵會飾他說請濟師周人引退思溫亦還已而周主復北侵與其將傅元卿李崇進等分道並進圍瀛州陷益津瓦橋淤口三關垂迫固安思溫不知計所出但云車駕旦夕至麾下士奮躍請戰不從已而陷易瀛莫等州京齊

人皆震駭往往遁入西山思溫以邊防失利恐朝廷罪已表請親征會周土祭以病歸思溫退至益津僞言不知所

在遇步卒二千餘人不拒敗之是年聞周喪燕民始安乃班師時穆宗酒酒嗜殺思溫以密戚預政無所匡輔士論不與十九年春蒐上射熊而中思溫與夷離畢牙里斯等進酒上壽帝醉還宮是夜為庖人斯奴古等所弑思溫與南院樞密使高勳飛龍使女里等立景宗保寧初為北院樞密使兼北府宰相仍命世預其選上冊思溫女為后加尚書令封魏王從帝獵閭山為賊所害

蕭繼先字揚隱小字留只哥幼穎悟叔思溫命為子睿智

皇后尤愛之乾亨初尚齊國公主拜駙馬都尉統和四年
宋人來侵繼先率邏騎逆境上多所俘獲上嘉之拜北府
宰相自是出師繼先必將本府兵先從拔狼山石壘從破
宋軍應州上南征取通利軍戰稱捷力及親征高麗以繼
先年老留守上京卒年五十八繼先雖處富貴尚儉素所
至以善治稱故將兵攻戰未嘗失利名重戚里

論曰嗚呼人君之過莫大於殺無辜湯之伐桀也數其罪
曰並告無辜於上下神祇武王之伐紂也數其罪曰無辜
籲天堯之伐苗民也呂侯追數其罪曰殺戮無辜迹是言
之夷獯葛之諫廩廩庶幾古君子之風矣雖然善諫者不

諫於已然蓋必先得於心術之微如察昧者先其病而治
之則易爲功穆宗沈湎失德蓋其資富彊之勢以自肆久
矣使群臣於造次動作之際此諫彼諍提而警之以防其
甚則亦詎至是哉予以知護思思溫處位優重耽祿取容
真鄙夫矣若海瓌之折獄繼先之善治可謂任職臣歟

列傳第九

遼史七十九

元開府儀同三司上柱國前中書右丞相蓋修國史
都總裁臣脫脫修

室昉字夢奇南京人幼謹厚篤學不出外戶者二十年雖
里人莫識其精如此會同初登進士第為盧龍巡捕官太
宗入汴受冊禮詔昉知制誥總禮儀事天祿中為南京留
守判官應曆間累遷翰林學士出入禁闈十餘年保寧間
兼政事舍人數延問古今治亂得失奏對稱旨上多昉有
理劇才改南京副留守決訟平允人皆便之遷工部尚書
尋改樞密副使參知政事頃之拜樞密使兼北府宰相加

此傳夫夫... 遼史七十九... 蓋修國史... 脫脫修... 室昉字夢奇... 幼謹厚篤學... 不出外戶者二十年... 雖里人莫識其精... 如此會同初登進士第... 為盧龍巡捕官... 太宗入汴受冊禮詔... 昉知制誥總禮儀事... 天祿中為南京留守... 判官應曆間累遷... 翰林學士出入禁闈... 十餘年保寧間兼... 政事舍人數延問... 古今治亂得失奏... 對稱旨上多昉有... 理劇才改南京副... 留守決訟平允人... 皆便之遷工部尚... 書尋改樞密副使... 參知政事頃之拜... 樞密使兼北府相... 相加

同政事門下平章事乾亨初監修國史統和元年告老不
許進尚書無說篇以諫太后聞而嘉獎二年秋詔修諸嶺
路昉發民夫二十萬一日畢功是時昉與韓德讓耶律斜
軫相友善同心輔政整析蠹弊知無不三務在息民薄賦
以故法度修明朝無異議八年復請致政詔入朝免拜賜
几杖太后遣閭門使李從訓持詔勞問令常居南京封鄭
國公初晉國公主建佛寺于南京上許賜額昉奏曰詔書
悉罪無名寺院今以主請賜額不惟違前詔恐此風愈熾
上從之表進所撰實錄二十卷手詔褒之加政事令賜帛
六百匹九年薦韓德讓自代不從上以昉年老苦寒賜貂

皮衾褥許乘輦入朝病劇遣翰林學士張幹就第授中京
留守加尚父卒年七十五上嗟悼輟朝二日贈尚書令遺
言戒厚葬恐人譽過情自志其墓

耶律賢適字阿古真子越魯不古之子嗜學有大志滑稽
玩世人莫之知惟于越屋質器之嘗謂人曰是人當國天
下幸甚應曆中朝臣多以言獲譴賢適樂於靜退游獵自
娛與親朋言不及時事會討烏古還擢右皮室詳穩景宗
在藩邸常與韓匡嗣女里等游言或刺譏賢適勸以宜早
疎絕由是穆宗終不見疑賢適之力也景宗立以功加檢
校太保尋遥授寧江軍節度使賜推忠協力功臣時帝初

踐阼多疑者王或胡非望陰以賢適為腹心加特進同中書門下平章事保寧二年秋拜北院樞密使兼侍中賜保節功臣三年為西北路兵馬都部署賢適忠介膚敏推誠待人雖燕息不忘政務以故百司首職罔敢踰累年滯獄悉決之大丞相高勳契丹行宮都部署女里席寵放恣及帝姨母保母勢薰灼一時納賂請謁門若賈區賢適患之言于帝不報以病解職又不允令鑄手印行事乾亨初疾篤得請明年封西平郡王薨年五十三子觀音大同軍節度使

女里安涅烈家逸其氏族補積慶宮人應曆初為習馬不底以毋憂去一日至雅伯山見一巨人惶懼走巨人止之曰勿懼我地祇也葬爾母於斯當速詣闕必貴女里從之累遷馬嶺侍中時景宗在潘邸以女里出自本宮待遇殊厚女里亦傾心結納及穆宗遇弒女里奔赴景宗是夜集禁兵五百以衛既即位以翼戴功加政事令契丹行宮都部署賞賚甚渥尋加守太尉北漢主劉繼元聞女里為上信任遇其生日必致禮女里素貪同列蕭阿不底亦好賄二人相善人有氈裘為桌耳子所者者或戲曰若遇女里阿不底必盡取之傳以為笑其貪猥如此保寧末坐私藏甲五百屬有司方案詰女里袖中又得殺樞密使蕭思溫

通傳
三
賊書賜死女里善識馬嘗行郊野見數馬跡指其一曰此
奇駿也以已馬易之果然

郭襲不知何郡人性端介識治體久淹外調景宗即位召
見對稱旨知可任以事拜南院樞密使尋加兼政事令以
帝數游獵襲上書諫曰昔唐高祖好獵蘇世長言不滿十
旬未足為樂高祖即日罷史稱其美伏念聖祖創業艱難
修德布政宵旰不懈穆宗逞無厭之欲不恤國事天下愁
怨陛下繼統海內翕然望中興之治十餘年間征伐未已
而寇賊未弭年穀雖登而瘡痍未復正宜戒懼修省以懷
求圖側聞恣意遊獵甚於往日萬一有銜繫之變搏噬之

虞悔將何及况南有疆敵伺隙而動聞之得無生心乎伏
望陛下節從禽酣飲之樂為生靈杜稷計則有無疆之休
上覽而稱善賜協贊功臣拜武定軍節度使卒

耶律阿沒里字蒲鄰遙輦朝古可汗之四世孫幼聰敏保
寧中為南院宣徽使統和初皇太后稱制與耶律斜軫參
預國論為都統以征高麗功遷北院宣徽使加政事令四
年春宋將曹彬米信等侵燕上親征阿沒里為都監屢破
敵軍十二年行在多盜阿沒里立禁捕法盜始息先是叛
逆之家兄弟不知情者亦連坐阿沒里諫曰夫兄弟雖曰
同胞賦性各異一行逆謀雖不與知輒坐以法是刑及無

罪也自今雖同居兄弟不知情者免連坐太后嘉納著為令致仕卒阿沒里性好聚飲每從征所掠人口聚而建城請為豐州就以家奴閻貴為刺史時議鄙之子賢哥左夷

論曰景宗之世人望中興豈其勤心庶績而然蓋承穆宗營虐之餘為善易見亦由群臣多賢左右弼諧之力也室昉進無挽之篇郭夔陳諫獵之疏阿沒里請免同氣之坐所謂仁人之言其利博哉賢適忠介亦近世之名臣女里貪獲後人所當取鑑者也

列傳第九

列傳第十

遼史八十一

元開府儀同三司上柱國前中書右丞相監修國史

都總裁臣脫脫修

張儉宛平人性端慤不事外飾統和十四年舉進士第一調雲州幕官故事車駕經行長吏當有所獻聖宗獵雲中節度使進曰臣境無他產惟幕僚張公一代之寶願以為獻先是上夢四人侍側賜食人二口至問儉名始悟召見容止朴野訪及世務占奏三十餘事由此顧遇特異踐歷清華號稱明幹開泰中累遷同知樞密院事太平五年出為武定軍節度使移鎮大同六年入為南院樞密使帝方

眷倚參知政事吳叔達與儉不相能帝怒出叔達為康州刺史拜儉左丞相封韓王帝不豫受遺詔輔立太子是為興宗賜貞亮弘靖保義守節耆德功臣拜太師中書令加尚父徙王陳重熙五年帝幸禮部貢院及親試進士皆儉發之進見不名賜詩褒美儉衣唯紬帛食不重味月俸有餘賜給親舊方冬奏事便殿帝見衣袍弊惡密令近侍以火夾穿孔記之屢見不易帝問其故儉對曰臣服此袍已三十年時尚奢靡故以此微諷喻之上憐其清貧令恣取內府物儉奉詔持布三端而出益見獎重儉弟五人上欲俱賜進士第固辭有司獲盜八人既戮之乃獲正賊家人

訴冤儉三乞申理上勃然曰卿欲朕償命耶儉曰八家老稚無告少加存恤使得收葬足慰存沒矣乃從之儉在相位二十餘年裨益為多致政歸第會宋書辭不如禮上將親征幸儉第尚食先往具饌却之進葵羹乾飯帝食之美徐問以策儉極陳利害且曰第遣一使問之何必遠勞車駕上悅而止復即其第賜宴器玩悉與之十二年薨年九十一勅葬宛平縣

邢抱朴應州人刑部郎中簡之子也抱朴性穎悟好學博古保寧初為政事舍人知制誥累遷翰林學士加禮部侍郎統和四年山西州縣被兵命抱朴鎮撫之民始安加戶

部尚書遷翰林學士承旨與室昉同修實錄決南京滯獄
還優詔復美十年拜參知政事以樞密使韓德讓薦按察
諸道守令能否而黜陟之大協人望尋以母憂去官詔起
視事表乞終制不從宰相密諭上意乃視事人以孝稱及
耶律休哥留守南京又多滯獄復詔抱朴平決之人無冤
者改南院樞密使卒贈侍中初抱朴與弟抱質受經于母
陳氏皆以儒術顯抱質亦官至侍中時人榮之

馬得臣南京人好學博古善屬文尤長於詩保寧間累遷
政事舍人翰林學士常預朝議以正直稱乾亨初宋師屢
犯邊命為南京副留守復拜翰林學士承旨聖宗即位皇

太后稱制兼侍讀學士上閱唐高祖太宗玄宗三紀得臣
乃錄其行事可法者進之及扈從伐宋進言降不可殺亡
不可追二三其德者別議詔從之俄兼諫議大夫知宣徽
院事時上擊鞠無度上書諫曰臣竊觀房玄齡杜如晦隋
季書生向不遇太宗安能為一代名相臣雖不才陛下在
東宮幸列侍從今又得侍聖讀未有裨補聖明陛下嘗問
臣以貞觀開元之事臣請略陳之臣聞唐太宗侍太上皇
宴罷則挽輦至內殿玄宗與兄弟歡飲盡家人禮陛下嗣
祖考之祚躬侍太后可謂至孝臣更望定省之餘睦六親
加愛敬則陛下親親之道比隆二帝矣臣又聞二帝耽玩

經史數引公卿講學至于日昃故當時天下翕然嚮風以
隆文治今陛下游心典籍分解章句臣願研究經理深造
而篤行之二帝之治不難致矣臣又聞太宗射豕唐儉諫
之玄宗臂鷹韓休言之二帝莫不樂從今陛下以毬馬為
樂愚臣思之有不宜者二故不避斧鉞言之竊以君臣同
戲不免分爭君得臣愧彼以負此喜一不宜躍馬揮杖縱橫
馳騫不顧上下之分爭生以取勝失人臣禮二不宜輕萬乘
之尊圖一時之樂萬一有銜勒之失其如社稷太后何三
不宜儻陛下不以臣言為迂少賜省覽天下之福群臣之
願也書奏帝嘉歎良久不幾卒贈太子太保詔有司給葬

蕭朴字延寧國舅少父房之族父勞古以善屬文為聖宗
詩友朴幼如老成人及長博學多智開泰初補牌印郎君
為南院承旨權知轉運事尋改南面林牙帝問以政朴具
陳百姓疾苦國用豐耗帝悅曰吾得人矣擢左夷裔畢時
蕭合卓為樞密使朴知部署院事以酒廢事出為興國軍
節度使俄召為南面林牙太平三年守太子太傅明年拜
北府宰相遷北院樞密使時太平日久帝留心翰墨始畫
譜牒以別嫡庶由是爭訟紛起朴有吏才能知人主意敷
奏稱旨朝議多取決之封蘭陵郡王進王恒加中書令及
大延琳叛詔安撫東京以便宜從事興宗即位皇太后稱

制國事一委弟孝先方仁德皇后以馮家奴所誣被室朴
屢言其寃不報每念至此為之嘔血重熙初改王韓拜東
京留守及遷太后于慶州朴徙王楚升南院樞密使四年
王魏薨年五十贈齊王子鐸刺國舅詳穩

耶律八哥字烏古鄰五院部人幼聰慧書一覽輒成誦統
和中以世業為本部吏未幾陞閭撒狝尋轉樞密院侍御
會宋將曹彬米信侵燕八哥以扈從有功擢上京留守開
泰四年召為北院樞密副使頃之留守東京七年上命東
平王蕭排押帥師伐高麗八哥為都監至開京大掠而還
濟茶陀二河高麗追兵至諸將皆欲使敵渡兩河擊之獨

八哥以為不可曰敵若渡兩河必殊死戰乃危道也不若
擊於兩河之間排押從之戰敗績明年還東京奏渤海承
奉官宜有以統領之上從其言置都知押班後以茶陀之
敗削使相降西北路都監卒

論曰張儉名符帝夢遂結主知服弊袍不易志敦薄俗功
著兩朝世稱賢相非過也邢抱朴甄別守令大愜人望兩
決滯獄民無冤濫馬得臣引盛唐之治以諫其君蕭朴痛
皇后之誣至於嘔血四人者皆以明經致位忠藎若此宜
矣聖宗得人於斯為盛

列傳第十一

遼史八十一

元開府儀同三司上柱國前中書右丞相監修國史

都總裁臣臧修

耶律室魯字乙辛隱六院部人魁岸美容儀聖宗同年生
帝愛之甫冠補祗候郎君未幾為宿真官及出師伐宋為
隊帥從南府宰相耶律奴瓜統軍使蕭撻覽略地趙魏有
功加檢校太師為北院大王攻拔通利軍宋和議成特進
門下平章事賜推誠竭節條義功臣以本部俸羊多闕部
人空乏請以羸老之羊及皮毛歲易南中絹彼此利之拜
北院樞密使封韓王自韓德讓知北院職多廢曠室魯拜

此處為書中內容的模糊印影，文字難以辨認。

命之日朝野相慶從上獵松林至沙嶺卒年四十四贈守
司徒政事令二子十神奴歐里斯十神奴南院大三
歐里思字留隱少有大志未冠補祗候郎君開泰初為本
部司徒秩滿閑居徵為郎君班詳穩遷右皮室詳穩將本
部兵從重平王蕭排押伐高麗至茶陀二河戰不利歐里
斯獨全軍還帝嘉嘗終西南面招討使

王繼忠不知何郡人仕宋為鄆州刺史殿前都虞候統和
二十一年宋遣繼忠屯定之望都以輕騎覘我軍遇南府
宰相耶律奴瓜等獲之太后知其賢授戶部使以康默記
族女女之繼忠亦自激昂事必盡力宋以繼忠先朝舊臣

每遣使必有附賜聖宗許受之二十二年宋使來聘遣繼
忠弘矢鞭策及求和劄子有曰自臨大位愛養黎元豈欲
窮兵惟思息戰每敕邊事嚴諭守臣至于北界人民不令
小有侵擾眾所具悉爾亦備知向以知雄州何承矩已布
此懇自後杳無所聞汝可密言如許通和即當別使往請
詔繼忠與宋使相見仍許講和以繼忠家無奴隸賜官戶
三十加左武衛上將軍攝中京留守五年為漢人行宮都
部署封琅邪郡王六年進楚王賜國姓上嘗宴飲議以蕭
合卓為北院樞密使繼忠曰合卓雖有刀筆才暗於大體
蕭敵烈才行兼備可任上不納竟用合卓及遣合卓伐高

麗繼忠為行軍副部署攻興化鎮月餘不下師還上謂明
於知人拜樞密使太平三年致仕卒子懷玉仕至防禦使
蕭孝忠字撒板小字圖吉斯志慷慨開泰中補祗候郎君
尚越國公主拜駙馬都尉累遷殿前都點檢太平中擢北
府宰相重熙七年為東京留守時禁渤海人擊毬孝忠言
東京最為重鎮無從禽之地若非毬馬何以習武且天子
以四海為家何分彼此宜弛其禁從之十二年入朝封楚
王拜北院樞密使國制以契丹漢人分北南院樞密治之
孝忠奏曰一國二樞密風俗所以不同若併為一天下幸
甚事未及行薨追封楚國王帝素服哭臨赦死囚數人為

孝忠薦福葬日親臨賜宮戶守塚子阿速終南院樞密使
陳昭家小字王九雲州人工譯鞬勇而善射統和中補祗
候郎君為奚拽刺詳穩累遷敷陸宮太保兼掌圍場事開
泰五年秋大獵帝射虎以馬馳太速矢不及發虎怒奮勢
將犯蹕左右辟易昭家捨馬捉虎兩耳騎之虎駭且逸上
命衛士追射昭家大呼止之虎雖軼山昭家終不墮地伺
便拔佩刀殺之輦至上前慰勞良久即日設燕悉以席上
金銀器賜之特加節鉞遷圍塲都太師賜國姓命張儉呂
德懋賦以美之遷歸義軍節度使同知上京留守歷西南
面招討都監卒

蕭合卓字合魯隱突呂不部人始爲本部吏統和初以謹恪補南院侍郎十八年北院樞密使韓德讓舉合卓爲中丞以太后遺物使宋還遷北院樞密副使開泰三年爲左夷離畢合卓久居近職明習典故善占對以是尤被寵渥陞北院樞密使時議以爲無官行不可大用南院樞密使王繼忠侍宴又譏其短帝頗不悅六年遣合卓伐高麗還時求進者多附之然其服食僕馬不加于舊帝知其廉以族屬女妻其子詔許親友饋獻豪貴奔趨于門太平五年有疾帝欲臨視合卓辭曰臣無狀猥蒙重任今形容毀瘵恐陛下見而動心帝從之會北府宰相蕭朴問疾合卓執

其手曰吾死君必爲樞密使慎勿舉勝已者朴出而鄙之是日卒子烏古終本部節度使

論曰統和諸臣名昭王室者多矣室魯拜樞密使朝野相慶必有得民心者繼忠既不能死國雖通南北之和有知人之鑑奚足尚哉孝忠昭衆皆有可稱者合卓臨終教蕭朴毋舉勝已者樞密其誤國之罪大矣

列傳第十二

遼史八十二

元開府儀同三司上柱國前中書右丞相監修國史

都總裁臣脫脫修

耶律隆運本姓韓名德讓西南面招討使匡嗣之子也統

和十九年賜名德昌二十二年賜姓耶律二十八年復賜

名隆運重厚有智略明治體喜建功立事侍景宗以謹飭

聞加東頭承奉官補樞密院通事轉上京皇城使遙授彰

德軍節度使代其父匡嗣為上京留守權知京事甚有聲

尋復代父守南京時人榮之宋兵取河東侵燕五院糾詳

穩奚底統軍蕭討古等敗歸宋兵圍城招脅甚急人懷二

心隆運登城日夜守禦接軍至圍解及戰高梁河宋兵敗走隆運邀擊又破之以功拜遼興軍節度使徵為南院樞密使景宗疾大漸與耶律斜軫俱受顧命立梁王為帝皇后為皇太后稱制隆運總宿衛事太后益寵任之統和元年加開府儀同三司兼政事令四年宋遣曹彬米信將十萬眾來侵隆運從太后出師敗之加守司空封楚國公師還與北府宰相室昉共執國政上言西州數被兵加以歲饑宜輕稅賦以末流民從之六年太后觀擊鞠胡里室突隆運墜馬命立斬之詔率師伐宋圍少淮敵乘夜來襲隆運嚴軍以待敗走之封楚王九年復言燕人挾燕苟免賦

從貴族因為曩橐可遣北院宣徽使趙智戒諭從之十一年丁母憂詔強起之明年室昉致政以隆運代為北府宰相仍領樞密使監修國史賜興化功臣十二年六月奏三京諸鞫獄官吏多因請託曲加寬貸或妄行撈掠乞行禁止上可其奏又表請任賢去邪太后喜曰進賢輔政真大臣之職優加賜資服闋加守太保兼政事令會北院樞密使耶律斜軫薨詔隆運兼之久之拜大丞相進王齊總二樞府事以南京平州歲不登奏免百姓農器錢及請平諸郡商賈價並從之二十二年從太后南征及河許宋成而還徙王晉賜姓出官籍隸橫帳季父房後乃改賜今名位

親王上賜田宅及陪葬地從伐高麗還得疾帝與后臨
視醫藥薨年七十一贈尚書令謚文忠官給葬具建廟乾
陵側無子清寧三年以魏王貼不子耶魯為嗣天祚立以
皇子敖廬幹繼之弟德威姓制心其大不德威性剛介善馳射保寧初歷上京皇城使儒州防禦使
改北院宣徽使乾亨初丁父喪疆起復職權西南招討使
統和初党項寇邊一戰却之賜劔許便宜行事領突呂不
迭刺二紮軍以討平稍古島功真授招討使夏州李繼遷
叛宋內附德威請納之既而付繼遷諸夷皆從爾書褒獎與
惕隱耶律善補敗宋將楊繼業加開府儀同三司政事門

下平章事未幾以山西城邑多陷奪兵柄李繼遷受賂潛
懷二心奉詔率兵往諭繼遷託以西征不出德威至靈州
俘掠而還年五十五卒贈兼侍中子雱金終彰國軍節度
使二孫謝十條魯謝十終惕隱

條魯字遵寧幼養宮中授小將軍重熙初歷北院宣徽使
右林牙副點檢拜惕隱改西北路招討使封漆木郡王請
減軍籍三千二百八十人後以私取回鶻使者獬毛裘及
私取阻卜貢物事覺決大杖削爵免官俄起為北院宣徽
使十九年改烏古敵烈部都詳穩尋為東北路詳穩封混
同郡王清寧初徙王鄧擢拜南府宰相以年老乞骸骨更

王漢大康中薨年八十條魯神情秀徹聖宗子視之興宗
待以兄禮雖貴愈謙初為都點檢扈從獵黑嶺獲熊上因
樂飲謂條魯曰汝有求乎對曰臣富貴踰分不敢他望惟
臣叔先朝優遇身歿之後不肖子坐罪籍沒四時之薦享
諸孫中得赦一人以主祭臣願畢矣詔免籍復其產子燕
五官至南京步軍都指揮使

制心小字可汗奴父德崇善醫視人形色輒決其病累官
至武定軍節度使制心善訓鷹隼統和中為歸化州刺史
開泰中拜上京留守進漢人行宮都部署封漆水郡王以
皇后外弟恩遇日隆樞密副使蕭合卓用事制心奏合卓

寡識度無行檢上默然每內宴歡洽輒避之皇后不悅曰
汝不樂耶制心對曰寵貴鮮能長保以是為憂耳太平中
歷中京留守惕隱南京留守徙王燕遷南院大王或勸制
心奉佛對曰吾不知佛法惟心無私則近之矣一日沐浴
更衣而卧家人聞絲竹之聲怪而入視則已逝矣年五十
三贈政事令追封陳王守上京時酒禁方嚴有捕獲私醞
者一飲而盡笑而不詰卒之日部民若哀父母

耶律勃古哲字蒲奴隱六院夷裔董蒲古只之後勇悍善
治生保寧中為天德軍節度使歷南京侍衛馬步軍都指
揮使以討平党項羌阿里撒米僕里鼈米遷南院大王聖

宗即位太后稱制會群臣議軍國事勃古哲上疏陳便宜
數事稱旨即日兼領山西路諸州事統和四年宋將曹彬
等侵燕勃古哲擊之甚力賜輸忠保節致主功臣總知山
西五州會有告勃古哲曲法虐民者按之有狀以大杖決
之八年為南京統軍使卒子文里官至詳穩

蕭陽阿字稍隱端毅簡嚴識遼漢字通天文相法父卒自
五蕃部親挽喪車至奚王嶺人稱其孝年十九為本班郎
君歷鐵林鐵鷄大鷹三軍詳穩乾統元年由烏古敵烈部
屯田太保為易州刺史幸臣劉彥良嘗以事至州怙寵恣
橫為陽阿所沮彥良歸妾加毀訾尋遣人代陽阿州民干

餘詣闕請留即日授武安州觀察使歷烏古涅里順義彰
信等軍節度使權知東北路統軍使事聞耶律郎不鐸魯
幹等叛獨引麾下三十餘人追捕之身被二創生擒十餘
人送之行在坐不獲首惡免官未幾權南京留守卒

武白不知何郡人為宋國子博士差知相州至通利軍為
我軍所俘詔授上京國子博士改臨潢縣令遷廣德軍節
度副使先是有訟宰相劉慎行與子婦姚氏私者有司出
其罪聖宗詔白鞠之白正其事使新羅還權中京留守時
慎行諸子皆處權要以白斷百姓分籍事不直坐左遷未
幾遷尚書左丞知樞密事拜遼興軍節度使致仕卒

蕭常哥字胡獨董國舅之族祖約直同政事門下平章事
父實老累官節度使常哥魁偉寡言年三十餘始為祗候
郎君歷本族將軍松山州刺史壽隆二年以女為燕王妃
拜永興宮使及妃生子為南院宣徽使尋改漢人行宮都
部署統和初加太子太師為國舅詳穩二年改遼興軍節
度使召為北府宰相以柴冊禮加兼侍中天慶元年致仕
卒謚曰欽肅

耶律虎古字海鄰六院夷離董觀烈之孫少穎悟重然諾
保寧初補御賤郎君十年使宋還以宋取河東之意聞于
上燕王韓匡嗣曰何以知之虎古曰諸僭號之國宋皆併

收惟河東未下今宋講武習戰意必在漢匡嗣力沮乃止
明年宋果伐漢帝以虎古能料事器之乃曰吾與匡嗣慮
不及此授涿州刺史統和初皇太后稱制召赴京師與韓
德讓以事相忤德讓怒取護衛所執戎仗擊其腦卒子磨
魯古

磨魯古字遙隱有智識善射統和初拜南面林牙四年宋
侵燕太后親征磨魯古為前鋒手中流矢拔而復進太后
既至磨魯古以創不能戰與北府宰相蕭繼先巡邏境上
累遷北院大王七年代宋為先鋒與耶律奴瓜破其將李
忠吉于定州以疾卒二軍

論曰德讓在統和間位兼將相其克敵制勝進賢輔國功業茂矣至賜姓名主齊晉抑有寵於太后而致然歟宗族如德威平党項條魯完宗祀制心不苟合家聲益振豈無所自哉若勃古之忠陽阿之孝武白之直亦彬彬乎一代之良臣矣

傳第十二

列傳第十三

遼史八十三

元開府儀同三司上柱國前中書右丞相監修國史

都總裁臣脫脫修

耶律休哥字遜寧祖釋魯隋國王父綰思南院夷離董休哥少有公輔器初烏古室韋二部叛休哥從北府宰相蕭幹討之應曆末為惕隱乾亨元年宋侵燕北院大王奚底統軍使蕭討古等敗績南京被圍帝命休哥代奚底將五院軍往救遇大敵于高梁河與耶律斜軫分左右翼擊敗之追殺三十餘里斬首萬餘級休哥被三創明日宋主遁去休哥以創不能騎輕車追至涿州不及而還是年冬上

命韓匡嗣耶律沙伐宋以報圍城之役休哥率本部兵從
匡嗣等戰于蒹城翌日將復戰宋人請降匡嗣信之休哥
曰彼衆整而銳必不肯屈乃誘我且且嚴兵以待匡嗣不
聽休哥引兵憑高而視須臾南兵大至鼓譟疾馳匡嗣倉
卒不知所爲士卒棄旗鼓而走遂敗績休哥整兵進擊敵
乃却詔總南面戍兵爲北院大王車駕親征圍瓦橋關宋
兵來救守將張師突圍出帝親督戰休哥斬師餘衆退走
入城宋陣于水南將戰帝以休哥馬介獨黃慮爲敵所識
乃賜玄甲白馬易之休哥率精騎渡水擊敗之追至莫州
橫屍滿道靴矢俱罄生獲數將以獻帝悅賜御馬金盃勞

之曰爾勇過于名若人人如卿何憂不克師還拜于越聖
宗即位太后稱制令休哥總南面軍務以便宜從事休哥
均戍兵立更休法勸農桑修武備邊境大治統和四年宋
復來侵其將范密楊繼業出雲州曹彬米信出雄易取岐
溝涿州陷固安置屯時北南院奚部兵未至休哥力寡不
敢出戰夜以輕騎出兩軍間殺其單弱以脅餘衆晝則以
精銳張其勢使彼勞於防禦以疲其力又設伏林莽絕其
糧道曹彬等以糧運不繼退保白溝月餘復至休哥以輕
兵薄之伺彼蓐食擊其離伍單出者且戰且却由是南軍
自救不暇結方陣塹地兩邊而行軍渴乏并鹿淖而飲凡

四日始達于涿聞太后軍至彬等冒雨而遁太后益以銳卒追及之彼力窮環糧車自衛休哥圍之至夜彬信以數騎亡去餘衆悉潰追至易州東聞宋師尚有數萬瀕沙河而襲促兵往擊之宋師望塵奔竄隨岸相蹂死者過半沙河爲之不流太后旋旆休哥收宋屍爲京觀封宋國王又上言可乘宋弱略地至河爲界書奏不納及太后南征休哥爲先鋒敗宋兵於望都時宋將劉廷讓以數萬騎並海而出約與李敬源合兵聲言取燕休哥聞之先以兵扼其要地會太后軍至接戰殺敬源廷讓走瀛州七年宋遣劉廷讓等乘暑涼來攻易州諸將憚之獨休哥率銳卒逆擊

于沙河之北殺傷數萬獲輜重不可計獻于朝太后嘉其功詔免拜不名自是宋不敢北向時宋人欲止兒啼乃曰于越至矣休哥以燕民疲弊省賦役恤孤寡戒戍兵無犯宋境雖馬牛逸于北者悉還之遠近向化邊鄙以安十六年薨是夕雨木冰聖宗詔立祠南京休哥智略宏遠料敵如神每戰勝讓功諸將故士卒樂爲之用身更百戰未嘗殺一無辜二子高八官至節度使高十終于越孫馬哥馬哥字訛特懶興宗時以散職入見上問鄉奉佛乎對曰臣每旦誦太祖太宗及先臣遺訓未暇奉佛帝悅清寧中遷唐古部節度使咸雍中累遷匡義軍節度使大康初致

仕卒

耶律斜軫字韓隱于越曷魯之孫性明敏不事生產保寧元年樞密使蕭思溫薦斜軫有經國才上曰朕知之第俟蕩豈可羈屈對曰外雖佚蕩中未可量乃召問以時政占對剴切帝器重之妻以皇后之姪命節制西南面諸軍仍援河東攻南院大王乾亨初宋再攻河東從耶律沙至白馬嶺遇敵沙等戰不利斜軫赴之令麾下萬矢齊發敵氣褫而退是年秋宋下河東乘勝襲燕北院大王耶律奚底與蕭討古逆戰敗績退屯清河北斜軫取奚底等青幟軍于得勝口以誘敵敵果爭赴斜軫出其後奮擊敗之及高

梁之戰與耶律休哥分左右翼夾擊大敗宋軍統和初皇太后稱制益見委任為北院樞密使會宋將曹彬米信出雄易楊繼業出代州太后親帥師救燕以斜軫為山西路兵馬都統繼業陷山西諸郡各以兵守自屯代州斜軫至定安遇賀令圖軍擊破之追至五臺斬首數萬級明日至蔚州敵不敢出斜軫書帛射城上諭以招慰意陰聞宋軍來救令都監耶律題子夜伏兵險阨俟敵至而發城守者見救至突出斜軫擊其背二軍俱潰追至飛狐斬首二萬餘級遂取蔚州賀令圖潘美復以兵來斜軫逆于飛狐擊敗之宋軍在渾源應州者皆棄城走斜軫聞繼業出兵令

蕭接凜伏兵于路明日繼業兵至斜軫擁衆為戰勢繼業
麾幟而前斜軫佯退伏兵發斜軫進攻繼業敗走至狼牙
村衆軍皆潰繼業為流矢所中被擒斜軫責曰汝與我國
角勝三十餘年今日何面目相見繼業但稱死罪而已初
繼業在宋以驍勇聞人號楊無敵首建梗邊之策至狼牙
村心惡之欲避不可得既擒三日死斜軫歸闕以功加守
太保從太后南伐卒于軍太后親為哀臨仍給葬具庶子
徇兒官至小將軍

耶律奚低孟父楚國王之後便弓馬勇於攻戰景宗時多
任以軍事統和四年為右皮室詳穩時宋將楊繼業陷山

西郡縣奚低從樞密使斜軫討之凡戰必以身先矢無虛
發繼業敗于朔州之南匿深林中奚低望袍影而射繼業
墮馬先是軍令須生擒繼業奚低以故不能為功後太后
南伐屢有戰績以病卒

耶律學古字乙辛隱于越洼之庶孫頴悟好學工譯鞮及
詩保寧中補御盞郎君乾亨元年宋既下河東乘勝侵燕
學古受詔往援始至京宋敗耶律奚底蕭討古等勢益張
圍城三周穴地而進城中民懷二心學古以討安反側隨
宜備禦晝夜不少懈適有敵三百餘人夜登城學古戰却
之會援軍至圍遂解學古開門列陣四面鳴鼓居民大呼

聲震天地旋有高梁之捷以功遙授保靜軍節度使為南
京馬步軍都指揮使二年伐宋乞將漢軍從之改彰國軍
節度使時南境未靜民思休息學古禁寇掠以安之會宋
將潘美率兵分道來侵學古以軍少虛張旗幟雜丁黃為
疑兵是夜適獨虎峪舉烽火遣人偵視見敵停掠村野擊
之悉獲所掠物擒其將領自是學古與潘美各守邊約無
相侵軼民獲安業以功為惕隱卒弟烏不呂

烏不呂字留隱嚴重有旅力善屬文統和中伐宋屢任以
軍事嘗與父直不相能因曰爾奴才何所知父直訟于北
院樞密使韓德讓德讓問曰爾安得此奴耶烏不呂對

曰三父異籍時亦易得德讓笑而釋之後從蕭恒德伐蒲
盧毛朶部以功為東路統軍都監及德讓為大丞相薦其
材可任統軍使太后曰烏不呂嘗不遜於卿何善而薦德
讓奏曰臣忝相位於臣猶不屈况於其餘以此知可用若
任使之必能鎮撫諸蕃太后從之加金紫崇祿大夫檢校
太尉而弟國留以罪亡烏不呂及其母俱下吏恐禍及母
陰使人召國留給曰太后知事之誣汝第來勿畏國留至
送有司坐誅其後退歸田里以疾卒

論曰宋乘下太原之銳以師圍燕繼遣曹彬楊繼業等分
道來伐是兩役也遼亦岌岌乎殆哉休哥奮擊于高梁敵

兵奔潰斜軫擒繼業于朔州旋復故地宋自是不復深入
社稷固而邊境寧雖配古名將無愧矣然非學古之在南
京安其反側則二將之功蓋亦難致故曰國以人重信哉

